

**SEVENTH LEGISLATIVE ASSEMBLY OF MIZORAM
(TENTH SESSION)**

LIST OF BUSINESS

FOR FIRST SITTING ON TUESDAY, THE 30th AUGUST, 2016
(Time 10:30 A.M. to 1:00 P.M. and 2:00 P.M. to 4:00 P.M.)

LAYING OF PAPERS

1. **Pu LALSAWTA, Minister** to lay on the Table of the House a copy of "The Mizoram Lotteries (Regulation) (Amendment) Rules, 2015."
2. **Pu JOHN ROTLUANGLIANA, Minister** to lay Ordinance promulgated by the Governor and Explanatory Statement giving reasons for immediate Legislation by that Ordinance.

PRESENTATION OF REPORTS

3. **THE SPEAKER** to present to the House the Tenth Report of Business Advisory Committee.
4. **Pu R. VANLALVENA** to present to the House the Fifth Report of Subject Committee-III on Action taken by the Government on the recommendations contained in the Fourth Report of Subject Committee-III relating to River Valley Project/Flood Prone Rivers under Soil and Water Conservation Department.

MOTIONS FOR ELECTIONS TO FINANCIAL COMMITTEES

5.
 - i) **Pu K. SANGTHUAMA, MLA** to move motion for Election of Members to Public Accounts Committee.
 - ii) **Pu LALRINLIANA SAILO, MLA** to move motion for Election of Members to Committee on Estimates.

- iii) **Pu N.K. CHAKMA, MLA** to move motion for Election of Members to Committee on Public Undertakings.

STATUTORY/OFFICIAL RESOLUTION

6. **Pu LALSAWTA, Minister** to move an Official Resolution in the following form :-

“That this House ratifies the amendment of the Constitution of India falling within the purview of clauses (b) and (c) of the proviso to clause (2) of article 368, proposed to be made by the Constitution (One Hundred Twenty-Second Amendment) Bill, 2014, as passed by both the Houses of Parliament.”

LEGISLATIVE BUSINESS

Bill for introduction, consideration and passing

7. **Pu R. LALZIRLIANA, Minister** to beg leave of the House to introduce “The Mizoram Road Fund (Amendment) Bill, 2016”.

ALSO

to introduce the Bill

to move that the Bill be taken into consideration

AND

to move that the Bill be passed.

NGURTHANZUALA
Secretary

....

SPEAKER : LALPA in Pathian tan hnam thianghlim in ni si a; leilunga hnam ahluana a pual bik ni tura LALPA in Pathianin a thlanche u in ni a.

Deuteronomy 7:6

Awle, kan hriat angin tun tum session hi emergency session a ni a. Zawnha leh chhanna hun kan nei dawn lo va. India Parliament House pahnihten Indian Constitution 122 amendment an pass a. Chu chu India ram state zawng zawng chanve in kan ratify (kan nemnghehpui) a ngai a. Chumi zingah chuan kan tel ve a, a lawmawm hle a ni. Hmanhmawh taka koh nimahsela memberte kan kal tha viau a, a lawmawm a. Kan Leader of the House, kan Chief Minister ni bawh Pu Lal Thanhawla erawh chu a zinnaah a la awm rih avangin a rawn tel hman loh tur thu min hrilh a, kan pawmsak a. Tin, Pu Ngurdingliana hi check-up in Delhi-ah a awm mek a, ani pawh a awm loh kan phalsak a. Tin, kan Minister zahawm tak Pu R.Romawia, Parliamentary Affairs Minister hi dar 11 leh tihah meeting pawimawh a neih avangin chawlh a dil a, kan phal bawh a ni tih he House hi kan hriattir e.

Tunah chuan business-ah kan kal ang a, Laying of Papers kan ti ang a. A hmasa in Minister zahawm tak Pu Lalsawta kan sawm ang a, “The Mizoram Lotteries (Regulation) (Amendment) Rules, 2015” he House dawhkanah hian lay turin i lo sawm ang u.

Pu LALSAWTA, MINISTER : Pu Speaker, ka lawm e. He House zahawm takah hian Mizoram Governor in a recommend angin leh i phalna leh House remtihna in “The Mizoram Lotteries (Regulation) (Amendment) Rules, 2015” hi ka rawn lay e.

S P E A K E R : Awle, a copy kha member zahawm tak te hnenah sem ni se.

Awle, tunah Laying of Papers bawh, Minister zahawm tak Pu John Rotluangliana kan sawm ang a. Anin - “Ordinance promulgated by the Governor and Explanatory Statement giving reasons for immediate Legislation by that Ordinance” tih hi House dawhkanah lay turin i sawm ang.

Pu JOHN ROTLUANGLIANA, MINISTER : Pu Speaker, i remtihna leh he House zahawm tak remtihna in “The Mizoram Vehicle Taxation Amendment Ordinance, 2016” chu he House zahawm takah hian ka rawn lay a.

Tin, Pu Speaker, hetilaia Ordinance kan siam chhan han sawifiah tura a tih ang hian he ordinance hi kan han hmanna chhan chu – nikum July, 2015 khan he

House zahawm takah hian lungrual takin “The Mizoram Motor Taxation Amendment Bill” kha pass a lo ni tawh a. Amaherawhchu, he bill-ah hian lifetime tax kan tih kum 15 chhunga tax vawikhata pek tur tih kha motor neitu lam leh Commercial Vehicle Joint Action Committee ten ‘installment a pek dan min zir sak rawh u, min siamsak rawh u,’ an ti a. Anmahni te pawhin rawtna an rawn siam zul zuiin vawi khatah kum 15 atan pe lovin installment a pek theihna turin ordinance siam a ni a. Chu ordinance chu Gazette-ah te chhuah niin hetilaiah hian hman tan a lo ni tawh a. Tichuan, ordinance hi thla ruk chauh a nun avang leh session awm hmasa bera bill-a thehluh a, bill a chantir a pass leh tur a nih avangin he ordinance hi tunah hian House-ah ka rawn lay a ni e, ka lawm e.

S P E A K E R : Awle, a copy kha sem ni se. Le, tunah chuan BAC Report kan present ve thung ang a. Business Advisory Committee ni 24.8.2016-a thukhawm chuan tun tum 10th Session of Seventh Legislative Assembly detail programme hi a ruahman a. Bulletin Part II No.145-na, tahrik ni 26.8.2016-ah khan rawn hriattir in nih tawh kha, Committee Report kha House-ah ka rawn present a ni. A copy kha member zahawm tak te hnenah sem ni se.

Tunah chuan Report MLA zahawm tak Pu R.Vanlalvena’n The Fifth Report of Subject Committee III on Action taken by the Government on the recommendations contained in the Fourth Report of Subject Committee III relating to River Valley Project/Flood Prone Rivers under Soil and Water Conservation Department he House dawhkanah hian rawn present sela, amah i sawm ang.

Pu R.VANLALVENA : Pu Speaker, ka lawm e. Subject Committee III in Soil & Water Conservation Department kan exam-na report, Fifth Report on Action taken by the Government on the recommendation contained in the Fourth Report of Subject Committee III relating to River Valley Project/Flood Prone Rivers under Soil & Water Conservation Department chu he House zahawm takah hian ka rawn present e. Ka lawm e.

S P E A K E R : Aw le, a copy kha sem ni se. Tunah chuan Financial Committee pathumte kha inthlan a hun leh tawh a. Motion move a ngai a, member zahawm tak Pu K. Sangthuama, PAC Chairman zahawm tak chu Election of members to Public Accounts Committee House-ah hian move turin i lo sawm ang.

Pu K. SANGTHUAMA : Mr. Speaker Sir, that the members of this House to proceed to elect in the manner required by sub-rule 1 or Rule 202 read with Rule 250 of the Rules of Procedure & Conduct of Business in Mizoram Legislative Assembly to serve as members of Public Accounts Committee, Mizoram Legislative Assembly for a period of 30 months. Thank you.

S P E A K E R : MLA zahawm tak Pu Lalrinliana Sailo in Committee on Estimates inthlanna turin House-ah hian rawn move sela. Chairman a nihna angin amah i sawm ang.

Pu LALRINLIANA SAILO : With your permission Sir, Motion in regard to election to Financial Committees:

That the members of this House to proceed to elect in the manner required by sub-rule 1 or Rule 202 read with Rule 252 of the Rules of Procedure & Conduct of Business in Mizoram Legislative Assembly to serve as members of Committee on Estimates, Mizoram Legislative Assembly for a period of 30 months. Thank you.

S P E A K E R : Awle, tunah hian Pu N.K Chakma, Committee on Public Undertakings Chairman in election of members to Committee on Public Undertakings hi rawn move leh sela.

Pu NIHAR KANTI CHAKMA : With your permission Sir, that the members of this House to proceed to elect in the manner required by sub-rule 1 or Rule 202 read with Rule 254 of the Rules of Procedure & Conduct of Business in Mizoram Legislative Assembly to serve as members of Committee on Public Undertakings, Mizoram Legislative Assembly for a period of 30 months. Ka lawm e.

S P E A K E R : Awle, tunah chuan Financial Committee pathuma kan Chairman ten inthlan atan rawtna an rawn move ta a. Financial Committee pathumte hi a lo tawp dawn tak vang a ni. Kan Dan-ah chuan nomination te file ve tur a ni a. Mahse, a tlangpuiin he House-ah hian Dan ang khan kan ti ngai lem lova. Inremsiama inrem mai kan tum thin avangin nomination file hi a tul tehchiam lovin kan hria a ni. Amaherawhchu, a tul a nih chuan nomination paper pawh Secretary office atangin a lak theih a. Vawiin tlai dar 3:00 PM thleng hian Secretary office-ah nomination paper thehluh theih a ni bawk a ni. In withdraw duhte an awm chuan naktuk zing dar 9:00 AM thleng hian hun hawn a ni bawk a ni. Chu chu kan inthlan dan tur a ni a. Kan tih dan thin ang khan tih dan rem kan hre zawk turah ngai ila.

Tunah chuan official resolution kan la ang a. Kan Finance Minister zahawm tak Pu Lalsawta'n resolution a move ang a, a resolution tur chu 'This House ratifies the amendment of Constitution of India falling within the purview of clauses (b) & (c) of the proviso to clause (2) of Article 368, proposed to be made by the Constitution (One Hundred Twenty-Second Amendment) Bill, 2014, as passed by both the Houses of Parliament' tih he House-ah hian han move sela.

Pu LALSAWTA, MINISTER : Pu Speaker, ka lawm e. I mi sawm angin he House zahawm takah hian India Constitution siamthatna One Hundred and Twenty-Second Amendment Bill, 2014 hi ratify turin ka rawn move dawn a, chutah chuan engvanga chutiang ngai nge tih te , kan move-na chhan leh he House-a kan lo kalna chhan tawite-in ka'n sawi ang a.

He One Hundred and Twenty-second Amendment, Constitutional amendment chungchang hi thawnthu hlui tak leh thawnthu rei tawh tak a ni a. Kum tam tak atang tawh khan India ram chuan kan chhiah lak danah hian tih danglam a ngai a ni ti a rawtna a nei a. Vawi tam tak meeting neih a ni a. State tin atangin Finance emaw, Taxation Minister emaw, chungte zawng zawng kal khawm chu Empower Committee ti a hming vuahin, tunhma deuh phei chuan thla tin deuh thaw meeting neih a ni a. A chang chuan Union Finance Minister-in a ho chang te a awm a. Chutianga hun rei tawh tak tih a nih hnu-ah chuan tun thla mai khan politics-a harsatna awm te pawh chinfel niin, Lok Sabha leh Rajya Sabha te hian he Constitutional Amendment hi an rawn pass ta a.

Hetiang an pass ah hian calendar an siam a, hetiang hun chhung hian hetiang hi tih theih ni sela tiin Union Finance Ministry atangin duh dan te an rawn neih thlap avangin, keini-ah chuan kan session hun pangngai tur a la hun lo hle nachungin tunah hian emergent session kan neih phah ta a ni a. Emergent Session kan neih chhan ber chu he Constitutional Amendment hi kan ratify dawn a. Ratify tih hi Mizo tawngin remtihpui tiin sawi ta ila, a remchang mai awm e. Pu Speaker, kan remtihpuina hi a ngai ve a, India ramah state 30 dawn lai kan awm a, chuta state te leh Union Territories Legislature nei ten a chanve talin kan nemnghehpui kha a ngaih avangin vawiinah hian kan inhmukhawm a ni a. First week of September, (tunkar tawp lampang a ni ang chu) chhung ngei hian an duhdanah chuan state te hian 50% tal chuan rawn ratify hman tawh se tih an duh a. Chuvangin keini chuan September first week ni lo in, August thla hian tih hram i tum teh ang kan ti a. Kan Chief Minister in a ngai pawimawh em em a, vawiinah hian amah tel thei lo mahse amahin min hmanhmawhpuiina leh ratify hmasa pawl state nih a duhna avanga hmanhmawh leh zual pawh kan ni a ni tih kha House zahawm tak hi ka'n hrih duh a.

Tichuan, hemi in a ken tlangpui hi tawi deuh tala kan sawi a tha in ka hria a. Pakhatna-ah chuan Goods and Services Tax kan tih hi vawiinah te, tun session-ah hian kan khawih dawn lo hrim hrim a. Goods and Services Tax (GST) kan tih hi India ramah kan lo neih theih ve dawn takah chuan chumi ina chu Dan siamna tur atana a kawng sialna Constitution-a awm thenkhat, a then te phei chu thiat a, a thenkhat te phei chu siamthat a, a thenkhat te phei chu tihdanglam hret hret te a lo ngai dawn ta a. Chuvang chuan, vawiina kan ratify turah hian Constitution vawi 122- na

Amendment Act, 2014 a ni na in, kan Dan siam tur hi chu 101-na a ni ve leh thung a. A number awm dan hi kan zu hrethiam chiah lova.

Kum 2014 daiha introduced a nih avang khan kha number kha a keng char charah kan ngai mai a, mahse kan han pass tur chu kan han chhiar chian chuan 101 na, Amendment Bill, 2016 a ni a, 2014 pawh a ni ta chiah lova.

Hemi chungchangah hian kan hriat theuh angin, India rama chhiah lakna-ah chuan central sorkarin Union Excise kan tih te, Corporation Tax kan tih te, chhiah chi hrang hrang kha amahin a la a, tichuan state te hnenah a tul ang tawkin a rawn sem ve leh mai thin a. Mahse GST hi tihfel a nih chuan hemi chhiah kan lak hi hlawn khatah kal tawhin state te nen pawh in zen tawm tur zawngin kan kal tawh dawn a. Chuvangin zir mi te chuan hei hi a har hle mai dawn a, mahse khawvel ram changkang zawk ten an ti a, an hlawkpui em em a, India pawhin kan ti ve thei tawh ang a, tunah chuan internet connection te pawh a lo tha tawh bawk a, chuvang chuan tih ve theih mai awm a ni a, a hlawk ang a, India ram pumpuia kan buaipui ber thin te zing ami check gate te hi a ngai tawh lo ang a. Check gate avang hian America ramah chuan motor nikhatah 800 kms te a kal theih laiin India ramah chuan 300 te a kal thei chauh a. India ramah chuan check gate a tam em em a, North East-ah pheih chuan sorkar piah lamah hel ho te check gate thlengin a awm a, chutiang khawp chuan tuna kan chhiah lakna-ah hian check gate hi a pawimawh lutuk a. Mahse GST a nih chuan check gate awm lova tih tum a ni a.

Tin, kan indawrna reng reng kha internet online a tih vek tawh tur a nih avangin paperless transaction kan tih ang chi deuh kha a kal darh tawh dawn a. Tin, Constitution Amendment zingah pawh hian keinin hmanni lawka ka'n passed Mizoram Entry Tax Act kan tih pawh kha a luh fel vek tawh dawn avangin 7th Scheduled-a list 2, State List kan tih maia entry 52-na te kha a bo hmiah tawh dawn a ni. Chutiang chuan, Constitution hi a khawih na khawp mai a. Tin, Constitution-a dan siam theihna, Parliament-in hei hi dan a siam thei ang, hei hi state-in a siam thei ang tih ang chi te pawh kha, state leh Parliament thuneihna min han pek tak te a lo awm a, a chipchiar tak chuan sawi dawn ila rei tak sawi tham a awm a. Chuvangin, Pu Speaker, khang zawng zawng kha chu nangma rorelna hnuai member ten zawhna an rawn zawh emaw, hriat chian duh te emaw, discussion te a awm a, chutiangte a nih erawh kha chuan sawi ta chauh zawk ila.

Tunah hi chuan a tlangpui thuin GST kan hman dawn avanga kawng sialna tur atan ruam te lo chung khat a, tlang pawngte lo rawt hniam tur tih ang deuh hlek khan Constitution-a Article engemaw zat leh scheduled ami te pawh kha tih danglam loh kha chuan Dan kha a siam theih dawn lova. Chuvangin, Union Ministry in, Finance Ministry in, a duh danah chuan ratification hi first week of September-ah

tih theih hram ni sela, second week of September-ah hi chuan President hian hetia Lok Sabha Bill hi 50% emaw, a aia tamin emaw an lo ratify tawh bawh chuan assent hi pe sela. Tin, third week of September-ah hi chuan Cabinet-in GST Council kan tih ang kha Cabinet approval lak ni sela. Tichuan chumi kar vek chuan GST Council kan tih, state atang leh central atanga Council buatsaih, Council din kha September kar thumna-ah vek hian siam fel hman vek ni sela.

Tichuan, October thla tawp hma hian GST Council hian Dan kan hman tur te kha rawn buatsaihin, anni khan Dan tuna a kawng kan lo sial sak atana ratification kan lo tih tur ang, khamia Dan lo piang tur kha lo buatsaih char char se, November thla tawp, (tun kum zel a nih chu Pu Speaker,) chhung hi chuan a Dan hi peih fel vek, Acts leh Rules hi peih fel vek ni se an duh a. Chutichuan, kumin calendar year tawpah hi chuan Parliament-ah leh state House tinrengah heng an Dan siam an rawn chhawpchhuahte chu pass chhuak turin an duhdan an rawn zam a.

Tichuan, nakum January lamah chuan GST rules hi, rules a awm kha chuan rules khan an Gazette-a tih ni ni ang khan a enforcement day kha a rawn ti tawh ang a. Tichuan, nakum April ni 1, 2017 atang hian GST hi hman theih turin an rawn buatsaih dawn ta a ni.

Chung te chu a ni a, Pu Speaker, i remtihnain helai kan official resolution hi ka'n chhiar chhuak ang a. He House zahawm takah hian member ten min pass pui turin ka'n ngen dawn a ni – “That this House ratifies the amendment of the Constitution of India falling within the purview of clauses (b) and (c) of the proviso to clause (2) of Article 368, proposed to be made by the Constitution (One Hundred Twenty-Second Amendment) Bill, 2014, as passed by both the Houses of Parliament.” He ratification hi he House zahawm tak hian min pass pui turin ka ngen e. Ka lawm e.

S P E A K E R : Awle, kan Minister zahawm takin a resolution move nachhan leh a hmanhmawh thlak zia te House min hrilh tawh a. Tunah chuan sawihona hun kan hawng ang a, hei, sawiho chu kan han ti na in mi pakhat tan minute nga a tawh mai em?

Dr. K. BEICHHUA : Pu Speaker, kan subject-ah khan ratify tur tih a ni a, tin, GST hi tha lo ti kan awm ka ring lova, kan Minister zahawm tak hian Chiang deuh hlekin helai member te hriat chian tur leh Mizoram mipuiin Chiang deuh hleka kan hriat theihna turin min hrilhfiah se. Chutichuan i vei lama thu te 2018-a Finance Minister ni ve thei mai tur te pawh kan la awm ve thei mai thei a. Chungte pawh chuan han sawi ve leh ta se. Tichuan kan vai vaia sawi kha a ngai lutuk em ni tihna rilru ka nei a ni, Pu Speaker.

S P E A K E R : Chu chu dik ve tho mahsela zawhna pawimawh tak tak te hetah hian a awm thei a, khangte tal kha inzawt ve sela, Minister zahawm tak chuan a tih tur kha a rawn ti nual tawh a, khami piah lama fiahlo te a la awm chuan sawi pah khan a zawh theih dawn a.

Er. LALRINAWMA : Pu Speaker, khawngaih-in minute 10 emaw tal ni se, a chhan chu kan Finance Minister zahawm takin a sawi ang khan, kan hmuh leh hun tur chu a rules kan hmu tawp tawh dawn ania. Chuvang chuan India ram leh Mizoram pumpui nghawng tur thil te a nih avangin member zahawm tak tak ten sawi tur kan neih nualte pawh a rinawm a. Tin, sawi loh pawh kha a lehlam hawi zawng chuan zialo deuhin ka'n ring a. A chhan chu kan ram economy nghawng vek tawh tur a ni a, thil pawimawh, thil thleng lian tham a awm avangin GST bill tih a ni deuh fo bawk a he amendment bill hi. Chuvang chuan 10 minutes tal te kha chu ni se a tha awm mang e tih kha ka'n rawt a ni e. Pu Speaker, ka lawm e.

S P E A K E R : A thenin sawi tur pawh kan nei tehchiam lo mai thei an tih laiin 10 minutes rawtna kha a awm leh a, a laiah kan kal dawn em ni? 10 minutes chu kan pawm em? 10 minutes ah chuan in rem ang aw. Le sawi tan rawh u le. Pu Zoram Sangliana.

Pu P.C. ZORAM SANGLIANA: Pu Speaker, vawiina kan Taxation Minister zahawm takin official resolution a rawn putluh hi kan hriat angin kum engemaw zat Parliament pawh kal hlei thei lo khawpa vawiina rawn pass tuten an lo tihbuai na bill thin kha a ni a. Mahse hotu pakhat tilai House-ah pawh thu thinin a sawi ka hre chhuak a, “ral leh lam atang khan a lo fiahlo em a ni” a tih thin kha vawiinah Parliament-a Speaker dinglama thu te tan pawh ral leh lam atanga fiahlo kha a lo fiah ta a. Hetia hmanhmawh takin Finance Minister bik phei chuan State Finance Minister theuhte a hard copy pawh an hnen a la thlen hma hma te pawhin a ni awm e. Tin, State thenkhatah phei chuan a copy te hmu lo te pawhin a that zia leh a tul zia hre fiahin an lo ratify hman tih te hi chanchinbu atang te pawhin kan lo hmu a ni.

Vawiinah kan Finance Minister zahawm takin time bound official resolution tiin sawi ta ila, a rawn move hi kan ram, kan hnam tan engnge a nghawng dan tur te, kan thatpui dawn em tih te hi member te a copy min rawn pe advance chung pawha 2018 vela Finance Minister nih tum ve ten vawiina zawt chawp anga House-a kan la sawi dawn a nih chuan mipui tan vote tlak an nih loh zia kha an rawn in pholang ni mai khan ka hre deuh a. Heng te chu hun min lo pek ang angah khan kan lo zir ang a, kan ngaihtuahho ang a, kan lo sawiho ang chu maw le, kan ram tan a thatna te, that lohna te kha kan sawiho tur niin ka ring a. Chung chu vawiin-ah pawh hian ratify thei tura kan hotuten rawn chhawp chhuah nachang an hria hi kan House

Leader te leh kan Finance Minister te, Parliamentary Affairs Minister te hnenah pawh lawmthu ka sawi duh a ni.

A chhan chu a thatna tur awm ang te hi hun rei tak tawhah khan kan hotute khabe liam changa party anga relna hmunah te pawh hotute sawi te remtihpui ve a, Parliament-a bill a putlulh dawn avanga sorkar chu party in a siam a nih thin angin party roelna sang berah te sang taka kut dinglam lo phar ve tawhte kan nihna atang pawhin vawiin ah hian hemi in a effect tur ang thil hi a tha lam han sawi hi ka duh ve deuh hlek a ni. A bik takin North Eastern leh J & K, Himachal Pradesh leh Uttarakhand state te tan pheih chuan (India ram puma hman tur a nih piah lamah hian) a bika ruahmanna a la chuang tel te hi Special Category State ti-a kan insawi thinna lai tak te, chhawmdawl kan la ngaih zualnaah (hetiang a pumpuia kan han hmang dawn, Central in a min han laksak vek ti zawngte pawhin sawi ta ila, a nih rual khan) theihngihl loh kan la nih zia te, kan Finance Minister ngei ngei pawh member an zu nih ve na Council-ah khan, tun hunah hian sawi theihna hun tha tak a awm te hian kei min ti lawm a ni.

GST hian central sorkar-ah pawh chhiah chi riat leh state hrang hrang atang hian kan hman mek pakua hi a ei ral dawn niin a lang a. Tichuan dan hrang hrang hi department hrang hrang leh mawhphurtu hrang hrang te khan dan hrang vek a an lo hman thin kha a bik takin industry bik tur atan te, sumdawna bul tan duh tan te harsatna namenlo lo thlen thin kha a rawn kiam dawn ta a ni. State thang mek leh hmasawna khawvel eng pawh va thlir chho ve mek, kan Finance Minister ten kan sum leh pai uluk taka control chung a kan ram min han enkawl a, a hmanna tur bik ang te a pawisa an han dah thlep thlep rual khan sum bawm ami private mi ten harsatna an tawh thin te kha hemi hian a rawn ti kiam tur hi a lawmawm ka ti a. Chhiah chawi nawn nasa em em thin khan thil man a ti to a, mipui tan phurrit a siam a, chung zawng zawng harsatna chu hei hian a rawn sukhang dawn te hi a nghahhlehawmna niin ka hria a.

Chhiah chawi tawh, chhiah la chawi tur atanga (paihthlak theih ti zawngin sawi ta ila) paihthlak theih a nih dawn avang khan GST hi a bik takin industry leh sumdawng tan, mipui tan tuna kan dan hman ai hian nasa fet hian kei chu a that zawk ka ring tlat a. Entirnan, cement siamtu hian manufacturer ah an han siam chhuak ta a, chutah chuan Central Excise duty kha 12% sorkar-ah an pe phawt a. Chumi hnu ah keini State angah te chuan an zu lei khan 2% Central Sales Tax kha an han chawi ve leh a. Tichuan sumdawng chuan mipui hma ah an tih dawnah khan VAT 13.5% kha an pe leh a. Chutiang chu GST kan hman hunah chuan an awm ta lo tur pawh hian thil man nasa takin a tihnam ang a, khang te kha a chhawrtu tur chu thei leh thei lo a in lo sa ve te, cement lo hmang ve tek tek, session hmasa ah kei pheih chuan ka sawi kha, kan kawngpui te pawh hi cement ve tawh ila tih te pawh kha,

kawng siam thin PWD tan te pawh a tha dawn mang e aw, a nghahhleah awm a ni tih thleng hian min ngaihtuah tir a. Khang rate rawn tlahniam tur te khan min tihlim a ni.

Tin, he thil hi kan lo hmang a nih chuan kan bungraw thawnchhuah ah khan GST tum a ni lo va, India ram pum huap ang te pawhin. Heng te pawh hi thil lawmawm niin ka hria a, ram pawn atanga bungraw lakluhah erawh chuan Custom Duty bakah GST a la awm dawn avangin bungraw thawnchhuah a tam ang a, Mizo siam, India siam kha khawvelah market a ti pung dawn tihna a ni a. Chungte chu helama tuimi te tan mithiam bik, talented person te ti ta ila, chung hote tan chuan sorkar hna ah kan in daih tawh lo. Mizoram-ah ngei ngei pawh hian Muster Roll-a kan hotuten chhawrna tur an siam tawhah hi chuan hna nghet neiah kan in ngai a, kan in lawmpui a nih tawh hi. Chuti khawp chuan hna a harsa tawh a, hemi hi kan lo ti a nih chuan hna hi nasa taka a pun a beisei awm ta a. Chumi chuan industry a ti thang ang a, chuti a nih chuan thalai hna neilo tam tak ten hna an lo neih phah dawn ta a.

Tin, tunlaia kan hman lar em em mai chu telephone-ah te kan lo hmu a, PHE Department hian an hmalakna lawmawm deuh mai chu 'chumi ni ah chuan tui kan lo pe dawn che u a ni' tih min rawn hrilh ta a ni. Chutiang chiah chuan kan bill leh thil hrang hrang te pawh internet hmangin, khawvel thiamna sang hmangin kan pe zung zung thei ta a, intlar del dul ai kha a lo ni ta a. Vawiinah hian hemi hi kan lo hmang a nih chuan computer leh a kaihhnawih hmanga enkawl tur a nih dawn tawh avang khan sorkar tan ai mahin mipuite tan hian malsawmna a ni dawn a. Chuvang chuan Pathian leh mipuite zarah he Bill, India ram Parliament-in a lo passed tawh, state-ten a ratify-na tura member niha sang taka ratify tura ban phar tura ka awm ve hi lawmawm pawh ka ti nghe nghe a ni.

Vote kan zawna thin kan mipuite hnenah hian an tana kan thawhsakna kan va hriat chianpuina Bill ni te pawh hian ka puh hial duh a ni kei phei chuan. Chuvang chuan hetiang hi a nih dawn avangin easy compliance tih zawng te pawhin han sawi ve ta ila, chutiang tur chu a nih avangin office dawr tur tan pawh hun leh tha sen mai bakah khan, sum sen thin kha a tlahniam vek tura beisei a ni a.

Lawmawm em em mai ni a ka hriat leh pakhat chu, politician tin te hi mipuiten min beiseina sang em em bik chu corruption tihbo/tih tlem duhna hi a lian em em vek mai a ni. He Bill kan lo hmuh hnu ah hi chuan Bill buatsaituten an thlirpui ang in corruption hi a tlem phah ang kan ti a ni. Khawilai office emaw va dawr a, tu emaw hna engemaw tih ngai lo khan, nichina kan sawi tawh ang khan, hemi in a rawn ken tur chu dan kha chhun fin a nih dawn tawh avang khan, office hrang hrang va dawr a va tih kual ngai tawh lo khan, internet kal tlangin he system hian transparent em em mai si khan min kal pui dawn avangin corruption hi a tlem phah ang tih hi sawi mawitute leh kan hotutena min hrilh thin dan a nih avangin

vawiinah hian chu pawh chu he kan state-a rorelna sang atanga member nih vena atangin, hei hi mipuite tan phurrit ni lovin, mipuite tan awlsamna tur, India ram sut leh theih rual loh a kan in ziah luhnaah hian Pu Speaker, hemi hmunah hian chu rama cheng kan nih avangin mipuite tan malsawmna Bill a ni tih hi ka'n sawi duh a.

Chumi aia lawmawm leh zual chu kan GDP te pawh hi 1 to 2% hiala pun belh beisei a he Bill hi Pu Manmohan Singh-a ten hun rei tak atanga an lo buaipui thin, vawiina kan Prime Minister zahawm tak te, kan Finance Minister zahawm tak ten an han hriatthiam pui a, Parliament pawh kal hlei-thei lo, tun sorkar-ah pawh a ni tho mai, amaherawhchu, a Bill lo buatsaihtu hmasa ten 'heti zawnga in ti thei a nih chuan kan pass pui thei ang che u harsatna awm lovin' an tih tak avanga kan ram rorelna sang berin hlim leh lawm taka a lo passed hi keini pawh hian pawmpui a, ratify ve ngei tur kan nih hi ka ring a. Chuvangin kan Finance Minister zahawm takin he Bill, time bound official resolution te han ti sela, a chhan chu nichinah a rawn sawi vek tawh kha, chutiang a nih avang chuan lawm taka ratify a rawn dilna hi ka thlawp a ni tih hi ka'n sawi duh a ni e. Pu Speaker ka lawm e.

S P E A K E R : A dawt lehah Pu Zodintluanga, Minister. Member dang ho kha sawi hmasa duh in awm em? In awm loh chuan, Pu Zodintluanga, Minister ko mai ang.

Pu ZODINTLUANGA, MINISTER : Pu Speaker, ka lawm e. Kan Finance Minister zahawm takin official resolution a rawn putluh hi support pahin tlem te sawi ve ka duh a. Hetiang historic moment-a tel ve thei ka ni hi Pu Speaker, ka lawm em em a ni. He Bill, vawiina kan official resolution-a ratification kan siam tur hi India ram economy ti danglam dawrh a Mizoram, India ramah pawh a kil ber thlenga danglamna hmuh theihna tur Bill a niin ka hre ve a. Sorkar hmasa khan kan hotute duhsaknain meeting-ah vawi engemaw zah ka tel ve a, kan Finance Minister Pu P. Chidambaram-a khan State Taxation Minister zawng zawng te hnenah khan ti hian a sawi a, 'he GST Bill hi vawiinah hian in duh emaw, duh lo emaw India ram hian kan la hmang dawn, he historic moment-ah hian in tel dawn nge, ka tel dawn nge kan hre lo, a awm dawn a ni' a ti thin a ni. Chutiang chuan vawiinah he historic moment kan House-ah ngei mai hetiang resolution pass thei tur zinga ka rawn tel theih ve avangin lawmthu ka sawi a. Member zawng zawng te pawhin kan Finance Minister resolution hi lungrual taka pass pui turin ka rawn ngen nghal duh bawka ni.

A bik takin Pu Speaker, keini consumer state tan chuan a lawmawm leh zual a ni. Exporter state tan chuan hloh tur tam tak te, a gain tur pawh a awm ang, nichina member zahawm tak tak ten an sawi ang khan keini consumer state-in thil kan zuk lei hian CST hi 4% atangin 2%-ah te a tla a, khang zawng zawng kha an state revenue a ni. Tin, khami piah lamah an state atanga tax chi hrang hrang Octroi an tih

ang te kha keini consumer state chuan kan zuk pe a, chung zawng zawng a phurh chho hnuah hetah keimahni VAT kha kan chawi leh a, Mizo mipuite tan hian chawi hi a nasa em em mai a ni. Tin, a rawn kal kawngah state tinah, border area-ah department zawng zawngin check gate an lo siam a, truck driver te an lo harass a. Kan hriat theuh angin Vairengte chhungah pawh keini state pawhin check gate tam tak kan siam a, Assam/Cachar-ah chutiingin, Meghalaya kan zuk pel a, Assam-ah kan bungraw rawn thleng tur hian harsatna tam tak a tawh a ni. Chuvang chuan he GST Bill-in a rawn ken tel state leh state inkara check gate awm a nuaibo vek tur te hi keini consumer state tan chuan a hlawk dawn em em a, a bikin sumdawng te leh mipui, consumer te tan hian hmasawna lian tak a ni dawn a ni.

Tin, nichina kan member sawi ang khan vawiinah chuan Taxation atanga kan lak theih chin chu India ram atanga lo kal deuh chauh hi a ni mai a, foreign hmun hran hran atanga lo kal, Burma atang te, Tlabung lampang, hei border trade te kan la ti a, khang zawng zawng kha tuna kan dan hman laiah chuan a chhiah khawn thei tur hi chu Central Custom chauh a ni a, state sorkar hian tih theih kan nei lo a ni. Amaherawhchu, he Bill hi pass a hman a nih chuan Pu Speaker, Burma atanga bungraw lo kal te hi GST hnuaiah a awm ve tawh dawn avangin keini state pawhin kan economy a lo than chhoh zel theihna tur atan khing bungrua lo kal, Custom chauhin tax an chawi tir theih ang te hi kan state revenue atan te pawh a hman chhoh theih dawn a ni. Chuvang chuan Pu Speaker, kan Finance Minister zahawm takin he resolution, historic resolution a rawn put luh hi member zawng zawng ten support a pass pui vek turin ka rawn ngen pui a ni e, ka lawm e.

S P E A K E R : Kan duh tawh mai dawn em ni? Pu Sangkunga.

Pu T. SANGKUNGA : Pu Speaker, ka lawm e. Ka hmaa an sawi tawh ang khan he bill, India Independence 1947 atanga touch reforms ropui ber mai he House -a sawihonaa kan tel thei hi ka lawm tak zet zet a. Mipuite educate hi he House hian a mamawhin ka hria a, sawihona zau tak i hawng hi lawmawm ka ti a.

A chhan chu India rama GST bill an han passed chiah khan India ram mipuite chu an phu suau an ti. Hei hian engnge a ken tel, engnge a nghawng, kan state hian a chhawr dawn nge a tuar dawn, kan chhungkuaah engnge a effect dawn tih an hre chak a. Mahse a chhunga bill hi an zuk man tak tak si lova. Chuvangin public educate hi Parliament member leh Assembly-a member-te chuan an mawh pakhat nia ngaih a ni a. Keini pawh kan Assembly in draft bill te a rawn siam a, internet-ah, hmun tam takah mithiam bik ten an ngaihnan an ziah te a lo lang a. Chung atang te chuan he House hian he bill in a harsatna a tawh dan te, a kawng bumboh dan te leh

Parliament leh Assembly-a opposition leh ruling te row lo awm dan te a sawichiang khawpin ka hria a.

He Bill sawihona tur declaration hi Atal Bihari Vajpayee khan kum 2000 daih tawh khan Parliament-ah a lo sawiin a lo flag off tawh a ni. Chumi zulzui chuan Ashim Das Gupta, India ram State a Finance Minister ropui berte zing ami kha, he Bill awmdan tur, GST model leh design siam turin India ram Finance Minister hrang hrang ten khami an siamna turah khan Chairman ni turin Vajpayee khan kum 2000 daih tawh khan a lo ruat a. Ashim Das Gupta hi 2011 thleng khan Chairman a ni nghe nge a. Ani ho hian nasa takin duan a ni a.

Kum 2006-a Chidambarama Union Finance Minister a lo nih khan a tuipei em em a, tuna kan Minister zahawm takin a sawi ang khan. Anni hian ni 1.4.2010-ah bill hi pass hman ngei turin nasa takin tan a la a, March, 2011-ah a introduce dawn ta a, chuta mak tak mai chu tuna duh em em BJP te hi a oppose nasa ber an ni tlat mai a ni. Hetia India ram Parliament te leh Assembly te kan thutna a in an loh avanga han inkalh chhawk te hi vawiin ah hian sawilan tha in ka hria a, ram tan hei hi a mak a.

Chutih laia Pu Modi-a Gujarat Chief Minister pawh kha an oppose nasa khawp a, a Minister Swaraj Patel phei kha chuan he Bill hi pass a pawm a nih chuan Gujarat State chuan kum khatah cheng vbc 14000 kan lost dawn a ni a ti tawp mai a ni. Kum 2011-a Bill an introduced khan Pu Modi-a leh a ho te hian an kalh nasa bera ngaih a ni a. Chuvangin pass zawh a nih tak loh avangin Chitambarama khan kum 2013, August khan Parliamentary Standing Committee-ah he Bill hi a theh phei ta a.

Chutichuan, he GST Bill hi pass pui ngei turin Chitambarama khan vawi tam tak State Finance Minister te, Taxation Minister te a sawi pui a, tunah pawh hian hmun thenkhata a lan dan chuan, member tur pawh hian state atanga a Council member lo chhuak turah khan state Finance Minister emaw, Taxation Minister emaw tih a ni a, tunah chuan keini chu mi thuhmun a ni hlauh a, chu chu oblique te in an dah a, tax a khawih nasat avangin Finance Minister ang bawkin Taxation Minister hi an pawimawh a.

Tichuan, tunah sorkar a lo inthlak ta a, BJP sorkar a lo din takah hian an rawn tuipei leh ta em em thung a. February 2011-ah Arun Jaitley-a chuan GST Bill chu kum 2016-a pass hman ngei turin ruahmanna a rawn siam leh ta a. Lok Sabha-ah May 2011-ah an passed a. Amaherawhchu, August thla 2015 ah Rajya Sabha in a lo hnawl veleh ta a. Chuta mak tak mai chu, a

puluttu duh em em tu Congress kha a oppose tu an ni ve leh ta a. Hei hi thil danglam niin ka hria a, anni khan an oppose nasa a. Amaherawhchu, chung an thil demand pawimawh tak tak pali zinga pathum kha Arun Jaitley khan tun August thla kha a lo pawmpui theih tak avangin tunah hian a lo tlang chho ta a, tunah hian tluang takin Rajya Sabha Standing Committee pawh in a lo pawm ta a.

Tichuan, Congress pawhin August 2016-ah chuan he Bill hi a lo pawm ta a. Chuta pawimawh tak an demand lawmawm ka tih em em, Congress nge nge ka'n tih leh na chu, India ram democracy ropui takah hian central in a duh duh a tih lohna turin kha GST Council-ah khan state aiawh hi 2/3 an tel ngei tur a ni, central aiawh 1/3 tih an han telh kha ropui ka ti a. Central in a duh duhin a over rule dawn ta lova. Tin, a pass tur pawhin member present zawng zawng (central aiawh ten an over rule mai loh nan leh a kal ten an tih mai mai lohna turin) hmun li a thena hmun thum talin an pawm tur a ni tih te a ni leh zel a, Congress demand an pawm tak zingah hian hei hi ropui ka tih a ni a. Chuvangin state te hi mi an nuai mai mai dawn lo; tin, a san lamah pawh a cutting kha 18% aiin GST a sang tur a ni lo tih an demand te pawh kha an lo pawm ta a. Amaherawhchu, central share ¼ aiin a sang tur a ni lo tih erawh kha chu an pawmsak ta lova. Hetianga opposition ten demand tha tak an siam hi pass a nih loh chuan Rajya Sabha-ah Lok Jam a awm leh dawn avangin Union Finance Minister pawhin tun thla mai hian a lo pawm sak a, tihian tluang takin a lo kal ta a ni a.

Tin, heta a hlawkna tur hi mithiam ten an zirnaah chuan India ram hian kum khatah dollar billion 15 in hlawkna a hmuh theih an beisei a, hei pawh hi thil lawmawm niin ka hria a. Amaherawhchu thil siamchhuaktu state erawh hi chu kan hlawk lo deuh hlek dawn a ni an tih avangin hmana Gujarat in a oppose na-ah pawh khan chu chu a tel a. Tunah hian Jayalalitha pheih chuan a la duh lo tluang a, thil an siam chhuah tam avang khan. Rajya Sabha-a an sawi pawh khan vote dawnah a hote nen an chhuak vek a ni.

Engpawhnise, keini state pachhe ho hi a hlawkpui turah ngaih kan ni a. Tin, 14th Finance Commission-in India rama tax lut zawng zawng 30 in a 32 chauh a pek, 42 a min han tihpun pheih chuan heta tax a lak hlawk poh leh keini state hi 42% kha India ram tax lut state ten kan insem tawh dawn avangin Mizoram pawh hi a hlawk tur zingah kan tel ngei turah ka ngai a. A chhan chu 14th Finance Commission khan a hlawkpui deuh deuh tur panga a thlan chhuahah khan Congress ruling te- Mizoram, Arunachal Pradesh leh Himachal Pradesh te kha out of 5-ah kan tel a. Tin, regional party lalna Sikkim a ni bawk a, BJP lalna pheih kha chu Goa ah chauh a ni a, first 5 ah

khan. Chuvangin keini hi a hlawkpui ber turah ka in ngai a. Tin, keini ang mi thil chhut peihlo mi ten hemi tax chi tinreng mai an han khawn, pek ngaihna pawh kan thiam mang loh an simplify duak mai a. Indirect tax zawng zawng a han club together subsume tur hi ropui ka ti a. Tin, nichina an sawi ang khan gate chi hrang hrang mai, khawi toll tax an ti emaw, surcharge tih ang chi hrang hrang awm nuai mai pakhata an lut khawm vek mai tur hi a ropui hrim hrim a.

Pu T. SANGKUNGA : Pu Speaker, ka lawm e. (Ka zo a ni mai, a conclusion a ni tawh a.) Hemi ngaihtuah tur hian Union Finance Minister in state Finance Minister te a ko khawm mek a, kan Minister zahawm tak erawhchu helamah a awm a ngaih avangin kan Taxation Commissioner a zuk kal a, vawiin hian hei bawk hi an sawi leh dawn a. Nichina member zahawm tak Pu P.C. Zoram Sangliana'n a sawi ang khan eng concession nge min pek tur chu la lang lo mahse he Council hian North Eastern State te leh Himachal Pradesh leh Sikkim te hi min rawn ngaihtuah bik dawn a, hemi ngaihtuah theihna power nei zingah kan State Finance Minister, kan rin em em, Mizoram pawisa dinhmun siam tha tu hi a zuk tel thei dawn lehngal a, chuvangin Congress in hemi a demand zinga a hlawhtlinna, kan Finance Minister pawimawhna hi a lang leh zual dawn a, ani ho hian tha takin an tih ka beisei a. Tuna a lan dan phei chuan India ram state a 10 crore turn over nei chin chauh an khawwna turah Mizoram ang hi chu 5 crore chin tiin min rawn concession dawn niin a lang a. Tunah hian 3 crore chin turn over nei chin tax an ni a, kha tax kha sangli chauh pe pha kan awm a. Ten ah hian ti chho phei se chu khawn tur an nei mang dawn lova. Amaherawhchu, tuna an ruahman chinah hi chuan 5 crore turn over nei chin an han ti chhin a, chuvangin tax khawn theih tur kan mihausa te zingah khan state dang ai chuan North East State te hi chu kan tam leh deuh hret dawn pawh niin a lang a. Tichuan, he Constitution Amendment 122 hi pass ngei turin ka rawn support a ni e.

Er.LALRINAWMA : Pu Speaker, ka lawm e. 122 Amendment Bill hi ka hmaa member zahawm tak te sawi ang khan a kawng hi a thui khawp a, kum 2000- a an lo beih tan laih laih kha kum 16 hnu ah a hmel kan han hmu a ni a, engpawhnise thil tha tak a ni turah ngai ila. A chhan chu India ramin a buaipui em em mai a ni tih kha ka sawi duh a. Mizoram hian tax hi kan pek tam loh avangin engah hian nge min nghawng chiah ang tih lai hi chu chhut tham tak te pawh a la ni turah ngai ila. India ram hi tax rate chungchanga kan buaina hi a nasa khawpin ka hria a. Kum 2000 hma lam te kha chuan helaiyah sales tax kan lak ve lem loh avangin India ram sorkar laipuiyah uniform floor rate in an han ti a, khami atang khan Mizoram atanga car lei te pawh kha an tlem ta duak mai a. Khatiayang khan kan GST rate in ang lo avang khan tax war kan tih hi a nasa em em mai a. Chumi tih danglamna atan chuan VAT te an han la leh a, VAT chuan an tibo deuh duak a. Amaherawhchu, rate a la inkungkaih tak tak

theih si loh avangin vawiinah hian GST hi an han ti chho leh dawn a ni a. Eng angin nge thil a kal chhoh zel ang tih chu kan la thlir chho zel turah ngai ila.

Tuna an kalpui tum dan deuhah hi chuan CGST an ti a, SGST leh IGST an ti a, inter – state share atang khan central lak tur niawm tak kha awm niin kan han hre hlawm a. Tin, tuna kan buaipui em em, thil man tito tu double tax kan han tih, nichina ka hmaa member zahawm tak ten an han sawi ang khan thil siamtu ten thil an han siam a, a material atangin excise duty an han la a, a siamtu ten an siam chhuah atangin kan la leh a, tikhan kan la chhawng kan la chhawng mai a, khami tax double avang khan mipuiten he Excise Duty avang leh VAT avang hian thil siam chhuahna man atang hian 26% - 27% bawr vel hi tunah hian chhiah kan chawi a. Hengte hian consumer ah nasa taka nghawng a neih avangin chumi tihbo chu sorkar laipui pawhin a duh khawp niin ka hria a ni.

Tin, vawiinah hian eng angin nge min nghawng ang tih lai erawh hi chu hriatthiam a la harsa khawp mai a. Engpawhnise mithiam te ngaihdan tam takah chuan GST rate ah hi chuan 18% - 22% vel hi chu a tawk mai awm mang e tih te pawh a awm a. Khatiang kha lo ni ta se entirnan, car man tlawm Excise Duty atan 8% vel an lak ang chi ho hi chu a to sawt dawn a nih hmel a. Chutihlai erawh chuan car man to chi Excise Duty atanga 26% - 27 % vel bawr an lak ang chi hi chu a tla thla ve leh thung dawn ni awm tak te pawh in a lang a. Tin, service tax hi tun dinhmunah hian 14% kan chawi tlangpui a, amaherawhchu, hei hi tihpun a lo nih chuan financial service man te leh insurance te, kan telephone bill man zawng zawngte hi a to dawn a ni, kha lai kha thil Chiang taka lang chu a ni a, kan nunphung kha nasa takin a nghawng dawn a ni tih kha a lang a.

Tin, thil siam man te a lo tlakthlak dawn avang khan export lampang te nasa takin a nghawng ang tih te pawh kha vawiina an thlir dan tlangpui niin a lang a ni. Ka hmaa member te sawi ang khan India ram economy hi nasa takin a nghawng dawn a, NCAR in a survey ang kha chuan kan GDP pawh hi he tax reform avang hian 1% - 2% velah a kai chho turah kan han beisei a India ramah hian in register lo thil siam chhuak ve si, chhiah pe si lo hi an tam em em mai a, 1999 – 2000 inkar velah khan 34% vel ni khan an hria a, chulai atanga tehkhawng chho zelah 1991 economics reform a lo awm atang khan 36% vel a tla thla thei a. Tuna hemi an hman atang hi chuan thil siam chhuak in register si lo te, chhiah kan lak bawk si loh te hnen atang hian chhiah tam zawk kan beisei a, chu chuan India ram GDP pawh a nghawng thei turah kan han ngai a. Tin, thil siam chhuah man te a lo tlawm dawn avangin India ram atanga export hrim hrim pawh kha 10% - 14% vel bawrah a lo pung turah kan beisei a ni.

Tin, mithiam ten an chhut danah pheih chuan thil siam chhuah man hi 2% leka a lo tlawm pawh hian a profit hi 20% velin a pung chho theih tih a nih avangin chu thil siam chhuah man double VAT lo tlem tawh turte leh khatilaia export te pawh kha a tih pun kha beisei a ni. Kan ngaihtlak tawh ang khan hetiang a kan lo hmang theih dawn a nih chuan tluklehdingawm 15 (US dollar) hi kumtin kan hmuh belh theih turah ka ngai a, kan hma ami te sawi ang tho khan kan chhiah hmuh belh tur te pawh kha a pung turah kan han beisei bawk a.

Tin, nichina memberte sawi ang deuh hlek khan India ramah hian truck driver ho hian hun an lo hmang nasa khawp a. India rama truck driver te hian nikhatah 280 km an tlan a, khawvelah hian 400km an tlan hman a ni. USA-ah khuan 700km vel an tlan phak a, 60% vel an hun hi an khawhral an ti a ni. Chutianga an hun hmanna tam ber chu gate-a an din vang a ni. 20% lek pawhin lo tipung ila truck ho productivity hi 12% vel a pung theih turah ka ngai a. Chumi awmzia ah chuan hetah warehouse siamte thil tam tak bungraw chhe theih chi stock vak vakte pawh kha a nghawng dawn a, chu chuan economy ah min chawikang theih turah kan ngai bawk a ni.

Tin, a pawimawh ber mai lai erawh chu Mizoram hi engtiangin nge min nghawng ang tih hi kan ngaihtuah a ngai khawpin ka hria. Nichina kan ngaihtlak tawh ang khan tuna a lan danah hi chuan ram dangah India rama dealer ten state dang atangin bungrua an rawn la a, anni khan CST an va pe ta a ni. Kha CST kha a siam chhuahna State ten an lo tel ve zel a. Amaherawhchu, tunah erawh chuan inter state share ah erawh chuan IGST hi Central in a lak dawn avangin kha kha productive state an tih mai, a thawk chhuaktu state ten an chawih dawn angin a lang deuh ta tlat a ni. A eiral ho, keini ang tharchhuah nei ve lem lo te khan revenue kan lo hmuh belh ang a, a thar chhuak lam pang erawh kha chu compensate a ngai ve thung dawn niin a lang a. Keini erawhchu a revenue tel tur lamah khan kan awm turah ngai ta ila. Keimahni lam atanga ram danga han hralh chhuah em em taxable items ah kan neih rih loh avangin.

Tin, thil pakhat pawimawh em em mai bawk chu revenue neutral rate an tih lai hi a pawimawh khawp mai a. Chu revenue neutral rate an tih chu CST kan lak hnu ah hian engzat percentage chiah hi nge la ila kha kan chhiah hmuh pangngai kha kan hmuh leh theih ang tih kha ngaihtuahna ah a awm a. Chulai chu India ramah pawh inhnialna a nasa khawp mai a; engpawhnise, mithiam ten an zir Chiang zel a. Mizoram pawhin wawiina kan ngaihtuah tur lai chu kan tax lakah hian kan revenue neutral rate tur hi engzatnge tih lai kha keimahni lam pawhin kan lo in enchian a, kan lo in zir chian kha thil tul tak a ni. Keimahnin kan hloh dawn nge kan chawih dawn tih pawh kha rin dan mai a la ni a. Helaiah tax-ah lo hmu tam mah ila keimahni chhiah hmuh ve kha a tlem thlak si chuan a buaithlak ve hle ang tih kha a rin theih a.

Tin, tunah hian VAT registration hi 3500-4000 vel bawr kan lo nei ta a, tichuan tuna VAT pe thei tur hi kum khata turn over ₹ 3,00,000.00 vel bawr kha kan han ti a. Amaherawhchu, state GST ah hian ₹ 5,00,000.00 vel bawr kha a riin ka hria a. Khata a nih chuan kan VAT registration neih zawng zawng pawh hian an pe kim thei tawh dawn lo tihna a ni, GST kan hman hunah hi chuan. Chuvangin engang chiahin nge keimahni tax collection hi min nghawng tih lai hi kan lo in zir chian a, kan lo chhut chian kha a pawimawh khawp a ni tih kha ka'n sawi duh a. Chuti a nih loh chuan kan chawi ang nge kan hloh ang tih kha kan mithiam lampang te pawhin a hmaa kan lo thlir lawk loh chuan a buaithlak ve thei a ni.

Tin, ngaihndan pakhat lelah erawh chuan tax reform avanga economy reversion ta hi khawvelah hian a vang khawp an ti. India ram hmun dangah te pawh tha tak tura kan beisei lai hian thlirna tlang dang atang erawh hi chuan Malaysia te leh kan India ram chheh velah te pawh an hmang tawh a, maximum retail price a ti sang hlur ringawt a, a tak tak ramah engmah a awm lo a ni tih tan a tang te pawh kha an awm ve tho avangin. Engpawhnise, a tak ram a lo thleng ang a, thil chu a takin kan hmu mai turah ngai ila thain ka hria. Pu Speaker, ka lawm e.

SPEAKER : Awle, Pu Ruatkima.

Pu LALRUATKIMA : Pu Speaker, ka lawm e. Vawinah India Constitution Amendment Bill kan han sawiho a ni a, a lawmawm khawp mai a. I dinglam ami te pawh khan lawmthu an rawn sawi a, keini pawh kan lawm tho ah ngai ila. Amaherawhchu, kan State a nghawng dan tur kan hre lova, chhut chhuah mai a la harsa rih deuh niin a lang a.

He bill hi kan hriat angin a vakvai rei khawp mai a, India ram economy siamthat kan han tih kum 1991 atang kha chuan he thil hian India ram tax chungchanga a nghawng tur hi a lian khawp mai a. Tax reform a nghawng dan turah hian 8th August, 2016-a Parliament-a an debate tum pawh khan he thilin a nghawng dan tur hi tam tak pawhin kan la hrethiam chuang lova. Chuvang chuan keini ram a nghawng dan tur te, a that dan tur te hre rih lo mah ila a zir mite leh a ngaihtuah miten tha turah an ngai a, tha ah ngai phawt mai ila.

Chutilai chuan ka'n sawi duh chu kan hriat angin he GST Bill hi kum 2000 atang khan Prime Minister Vajpayee'a'n a riruang kha a rawn din a, kan Finance Minister ropui tak mai P. Chitambaram khan ni 28.2.2006 khan 1st April, 2010 atang hi chuan a hman theih tawh ang a tiin ruahmanna an siam a, mahse Parliament a tlang hleitheh lova. Chumi hnu ah Arun Jaitley kan Finance Minister

in 19th Dec. 2014 khan Parliament-ah a pulut nawn leh a ni. Tichuan hun a lo kal a, 6th May, 2015 khan Rajya Sabha-ah an han sawiho a, nichina kan member zahawm tak Pu T. Sangkunga sawi ang khan a hmaa duh em em tute khan an lo duh lo ve leh a. MLPC Act te pawh thutna azirin kan tunhma ngaihtuahna leh kan tunhnu ngaihtuahna kha a dang ve tho a, chung angah chuan ngai phawt mai ila. Chuvangin Rajya Sabha pawh khan Select Committee-ah khan zirchian turin an pe leh a, chu Select Committee chuan Report kha kan hriat angin 22nd July, 2015-ah khan a theh lut ve leh a nih kha. Chutianga Select Committee-in lungruual taka a ngaihtuah tawh hnu ah chuan Rajya Sabha khan 3rd August, 2016 khan a lo pawm thei ta a. Tichuan Lok Sabha pawhin 8th August, 2016 khan kan hriat angin 1st April, 2017 atanga hman tan turin a lo ruahman fel ta a ni.

He thil hian state GST leh central GST te a nghawng dawn a. Tin, direct tax chungchang te a khawih nuaih avangin engangin nge mipui a nghawng ang, tunhma kan kalphung-ah chuan manufacture ten sorkarah tax an pe a, chumi hnu ah dealer te hnenah an kal leh a, dealer ten an pe leh bawk a. Chutiang chuan dealer te khan wholeseller te hnenah an han pe leh a, wholeseller ten tax pek leh a ngai a, a kal chhawng kual em em mai a ni. Chung te chu thil man ti sangtu te pawh niin a lang a. Amaherawhchu, tuna kan kalphung ang khan GST hi kalpui ngai mahsela a kal dan chu a chhawng thui dawn lo deuh niin a lang a, chung chu mipui tan pawh a zangkhaina chen tur te pawh a awm ni te pawhin a lang a.

Tichuan Pu Speaker, he GST hian sumdawng emaw, sumdawng lo emaw, sorkar hnathawk tel lovin kan han hriat danah chuan kum khat-a ₹ 5,00,000.00 chin la lut te tan 15-19% tax pek ngai tawh mai tur ang khan a lang thei a. Tin, GST hi hlawm hnih ah then niin Central Tax kan han tih kha nuai 150 aia tam la lut te kha direct in central lamin a la ang a; tin, State Tax kan han tih nuai 5-150 chin la lut te khan state-ah an pek ve thung a ngai tawh dawn a ni a. Mizoram sumdawwna han en ila, kan liquor vendor te leh warehouse te hi chuan state tax nilovin central tax hi an pek a ngai mai awm mang e aw, tuna kan sum sen dan ngaihtuah chuan tih te pawh kha ka ngaihtuahnaah chuan a awm a. Chuvangin he thil hian black money te pawh a tibo ang a, chhiah chi hrang hrang plain mi ten, tribal ten kan exempt thei ang, hming hawh a an rawn tih thin ang te pawh kha hming hawh kha a remchang tawh lovang a, pan card hmangin account an operate a ngai ang a, chu chuan account hrang hrang pawh nei mahse kha pan card hmang khan an detect theih tawh dawn avangin black money tih bo nan te pawh thil tangkai tak ni turah te pawh a ngaih theih a.

Chumi piah lamah chuan state in a hmaa tax a phak loh chuan, a hmuh thin a lak phak loh chuan kum 5 chhunga dawmkan dan tur te pawh tarlan a ni a. Tin, kan hriat angin a amendment-a rawn lang ta chu Foods and Services

Tax Council dinna tur khan provision a rawn siam a, Union Finance Minister kha Chairman tur a ni a. Kan ngaihtlak tawh ang khan State Minister te, Taxation Minister te kha member tur an ni dawn a, ngaihtuahna an hmang viau turah chuan ka'n ngai a. Heta a lan danah hi chuan he GST Council ah hian vote hmanga thutlukna siam a ni thung dawn a ni, helai an vote sharing pattern ti mai ang, an formula pawh hi keini chuan kan hrethiam chiah lova, hmun li a thena hmun thumin an pawm zel kha a ngai a ni. Chung ang hmun thum chu state aiawh te vote kha a ni.

Chuvangin state te tan chuan a tha viau thei dawn ni te pawhin a lang a, vote kan ngah em a. Tin, heath hian GST Council hian recommendation te an la siam thei dawn a. Chutah chuan North Eastern leh State pachhe zual ti mai teh ang, khang ang chi te hamthatna tur provision te pawh kha a la rel dawn niawm tak a ni. Ngaihtuahna hman nasat viau chu a ngaiin ka ring a.

Chumiah chuan keini state angah hian min nghawng thei palh awm ta chu a hmaa income tax kan pek loh te pawh kha hei hian min rawn nghawng thei ang em tih hi mipui zawhna a ni. Chulaiah chuan kan Finance Minister zahawm tak pawh hian khang thleng khan engtinng e min rawn nghawng theih ang, mi tam tak mit timim tu a ni si a tih te pawh kha zawhna awm thei tak pawh niin a lang a. Chuvangin kan state Mizo te tribal kan nihna anga exempted kan nihna ang kha a nghawng palh a nih chuan nichina kan Minister zahawm tak pakhatin Vehicle Taxation a putlulh lungrual takin kan pawm a tih ang khan a hnu lawkah kan lo duh lo leh ang a tih te pawh kha ngaihtuah tham tak a awm a. Eng angin nge min nghawng dawn kan hre lova.

Chutiang chuan state in a lak tur VAT te, Sales Tax te, Entertainment Tax kan han tih ang chi zawng zawng te pawh kha kan Minister zahawm tak hian a tlangpui chu an chhut chhuak thei tawh turah te pawh ngai ila.

Chuvang chuan he thil hi India ram zau zawk leh mipui nawlpuite tana tha tur angin a lang a ni. Keini tan pawh a thatna tur tam tak a awm ang. Chungah te pawh chuan kan sorkar in thahnem a ngaihna em em liquor, zu ah khan GST lak a ni lo dawn niin a lang a. Tin, petroleum product ah te khan GST Council in a rel hunah chauh hman ve a ni thung dawn a ni, a nghawng ve dawn lo tihna a ni. He thilah hian mipuite pawh zangkhai hawkna tur te pawh a awm ang a. Tin, lirtheia eizawng, transport operator te tan pawh check gate tam lutuk kan tihbo hleihtheih si loh ang te pawh kha a lo bo tawh ang a. Check gate a duty tam tak sorkar in kan chhawr thin te pawh chhawr an ngai tawh lovang. Vairengtea helaia kan sawi tawh han in chibai zeuh ang pawh kha a bo tawhin ka ring a. Chung ang te chu he GST Amendment Bill hian a rawn keng vek turah ka ngai a. Chuvangin vawiinah hian Pu Speaker, sawi tur

tam tak a awm ang a, a thatna leh that loh na, direct leh indirect tax a nihna ang zawng zawng te kha vawiin ah hi chuan kan sawi vek seng lovang. Chung ang zawng zawngah chuan keini state ang State pachhe tana a tha ber tur ang kha ngaihtuahna kan neih tel a ngai a.

Tin, hemi bakah hian ka sawi tel duh chu, he thil hi hmang ta ila kan Taxation department hian kan tlin em, kan man power hian kan tlin em tih te pawh hi ngaihtuah tham tak a awm a ni. Vawiinah tax lamah thahnem kan ngai a, mahse a thawktute thuam that chungchangah hian Pu Speaker, minute khat lek, thahnem kan ngai tawk lo niin a lang a ni. Field staff an ni a, an POL man pawh kan tum thei hrih lova, chumi piah lamah chuan zone hrang hrang ami te pawh motor kan la pe thei lova. Field staff an ni a, pawisa va khawntu te, mi hmaisai va tawngtute an ni a. Chung angah te pawh chuan he thil kan hman hunah te pawh hian kan zangkhai tur a nih rual rualin anni a thawktute pawh hi hmanraw tha zawk te, facilities hrang hrang tha zawk te leh duhsakna te pawh kan hlan chhoh zel te pawh hi a tulin ka hria a. Chungte chu ka sawi ve duh a ni e. Ka lawm e.

S P E A K E R : Sawi tur dang an awm loh chuan kan Deputy Leader khan ban a phar em ni kha? Pu John Siamkunga

Pu JOHN SIAMKUNGA : Pu Speaker, ka lawm e. Hei vawiinah tax reform move ratify turin kan sawiho mek a. India ramah hian chhiah lak dan siamthat tumna hi a rei tawh hle a. Kum 1986 khan VAT hi introduce tan a ni a, India ramah chuan Modified VAT, MODVAT kan tih ang khan chhiah hi lak tan a ni a. Rei tak tih chhoh a nih hnu ah CENVAT ti a thlak chhoh leh a ni a. Vawiina kan GST Bill sawiho mek pawh hi 'a system of VAT' tih tho a ni.

An danglamna lai erawh chu VAT-ah kha chuan Goods and Services-ah khan a hranin chhiah lak a ni a, vawiina kan sawiho lai mek GST-ah erawh hi chuan hmun khatah luankhawm tir tur a ni. Chulai tak chu a danglamna lai kha a ni a.

Tin, he chhiah lak dan tur tih danglam hi tunhma atanga lo buaipui tawh a nih avangin politics thilah a ni emaw, ram hmangaihtu mi hrang hrang ten an lo sawiho nasa tawh a. Chung zingah chuan GST hi kan ram chhungah mai ni lo, foreign ram kan tih hmun tam takah te lak a lo nih tawh avang hian kan ram hian GST hi la ve ta ila kan hlawkpui ang em tih ngaihdan lian tak atanga lo kal a ni a. Amaherawhchu, hei ram danga an lo tih dan ang lo deuh hlekin kan ti dawn a ni a, ram dangah hi chuan GST hi single in a kal mai a, a floor rate kha a awm mai a. Chuvangin a ram chhung ami te zawng zawng kha an chhiah pek a inang ta vek mai a, tichuan single system in a kal a ni.

Vawiina kan bill sawi lai mekah erawh hi chuan dual system in a kal dawn a, chumi awmzia chu chi hnihin a kal dawn a ni. State in kan khawn tur bik hrim hrim State GST a awm dawn a, Central in an khawn tur bik hrim hrim Central GST a awm dawn a ni. Chunga an tih tur te chu GST Council hian a rawn la ruat dawn a, a rawn la bithliah dawn a. GST Council hi he Bill hnathawk theia kan siam hun, Article 368-na Indian Constitution Clause 2 –in a sawi ang khan state awm zawng zawng zat ve in kan pass phawt a ngai a. Chumi a nih hnuah chuan ni 60 chhungin President of India khan GST Council kha a din tur a ni. GST Council a awm tur te chu kan hotuten an rawn sawi tawh a. Chairman chu Union Minister, Finance changtu khu a ni dawn a, Union Minister of State te; tin state hrang hranga Finance emaw, Taxation changtute kha member an ni dawn bawk a, khangho khan an ngaihtuah dawn a. Tichuan thuneihna sang taka thuam a ni a, hemi GST Bill hi Act a nih hunah a rules duan dan tur te, engtiangin nge a khawih pawl dan tur te kha chu kha GST Council atang khan khang pawipang zawng zawng kha chu an rawn rel turah ngai ila. A dual system kan nihna lai takah hian a hranpa in lo khawn dawn pawh ni ta ila thil in chawhpawlh lai deuh a la awm leh tho mai a ni. Chumi ah chuan state pakhat atanga state danga bungrua lakluh dawn khan engtinge kan tih tak ang tih kha a lo ni a. Nasa taka inhniahna leh sawiho a lo nih hnu ah IGST, integrated GST, hei hi central sorkar in khawn ta sela. Tah chuan 1% a khawn ang a, kha bungruaa chhiah, a pawisa kha khawi lamah nge kha chhiah kha kan pek dawn tih erawh chu Parliament law in, Parliament dan siam in a la sawifiah tur a la ni ang a. Amaherawhchu, helai Bill-a a lan dan ah hi chuan kha bungrua lo kalna, a siam chhuahna origin ami te hnenah khan chhiah chu a pe turah ngaih a ni.

Tichuan, sorkar sum hnar hi mipui chhiah tlingkhawm a ni tih kan hria a. Chumi a nih avang chuan tunah pawh hian hei hi a tha zawk dah lawm maw tiin GST tax hi kan han la dawn chu a ni a.

Tunah hian indirect tax zawng zawng kha zaikhatah kan luan tir tawh dawn a. Rate inang in India ram pumah kan khawn dawn a ni. Chumi a nih avang chuan mithiam tam tak te phei chuan common market a siam theih ang a! Hetiang khawpa rate inang a India ram puma a kal chuan. Chumi a nih chuan Mizorama thil man tam tak te hi phai ram man te nen khan a inang tawh dawn tihna a lo ni tawh dawn a. Chumi a nih avang chuan kan hlawkpui hle ang em tih kha sawi dan thiam a la har hle in ka hria a.

Amaherawhchu, he GST hmanga chhiah kan lak hi mithiam ten an han chhut danah chuan pung hle tura ngaih a ni a. Chutianga a lo pung hle ta lo a nih chuan he dan, kan bill sawi lai mek in a take care a chu khatianga state lo tla chhia, an revenue lo hmuhchhuah thin ang hmu phak lo, a short fall lai kha he GST Council hian a rawn compensate turah ngaih a ni a. Tunah hian 14th Finance Commission-in

rawtna a siam te atanga lo lang atang hi chuan, first three years-ah khan 10% in state khatiang ang anmahni chhiah hmuh thin ang hmu phak lo kha chu a rawn compensate ang a. Tichuan, fourth year naah khan 75% in, a fifth year, a last-ah khan 50% in a rawn compensate tura ngaih a ni a. Khatiang a nih kha chuan that phah hle turah khan a ngaih theih a ni.

Tin, nichina kan hotuten an sawi kan state-ah engtiangin nge a impact hi a awm dawn tih lai te kha a pawimawhin ka hria a. State dang hrang hrangte kan en chuan VAT hunlai 2005-a kan hman tan tirh pawh khan a ni tho a. State tla fual leh mahni hmuh tur ang chi chhiah pe phak lo chu kan compensate ang tih a ni tho a ni. Mahse compensate ngai ram kha kan awm reng reng lo. Chutiang bawh chuan vawiina GST kan hman turah hian kum 5 chhung kan enkawl zui ang short fall lai a kha tih a lo ni a. Tunah hian state Hausa te anga keini hi min effect lutuk tura kan ngai a nih chuan a ni thei lo turah hemi bill atang hian a lang a. A vang chu special provision siam sak kan la nih dawn avang hian. Chu chu hemi North Eastern State 8 bakah Jammu & Kashmir te, Uttarakhand te, Himachal te, heng ho hi special provision min la siam sak dawn avangin GST hi lo khawn pawh ni ila min effect vak lo turah a ngaih theih a ni. Kha kha thil kal dan a ni a.

Tin, VAT lamah han kir leh ta ila, compare loh theih a ni lo va. VAT hi 2005-ah kan hmang tan a, a tirah state lian 7 in an duh lo nghal a. Tichuan, VAT hmang hi 2016 June thla khan Andaman & Nicobar Island, khulai island ho tih loh khu chuan kan hmang vek tawh a ni, kan duh ve vek tawh a. Mahse hei kan hmang vek ta tihah GST Bill a lo chhuak leh ta a, tha zawk tura ngaih a ni a. Hetiang a lo nih takah chuan export chungchangah hian chhiah hi awl tur a lo ni ta a. Hei hian awmzia thui tak a nei a ni India ram economy chawikang tur chuan. A vang chu central sorkarin a tum dan rilru leh hemi duangtu tena an tumna chhan nia lang chu India ram hian manufacturing industry te din tam sela, ram dangah hian kan thil tharchhuah te hi thawn tam sela, chhiah awl ve thung sela. Tichuan, tam tak chu chhiah an awl avang khan hlep a lo kal tawh ang a. Chu chuan India ram economy nasa fe in a chawikang ang tih rinna avangin he thil hi a lo kal chho niin a hriat a. Khatiang a lo nih takah chuan single tax regime hnuaiah India ram hian nasa fe in hma a sawn a rinawm a. Henga pawimawh, a dan pawl pang leh a khawn dan tur leh thil dang zawng zawng hi chu GST Council-in a rawn la chhutchhuah tur leh a rawn la rel tur te a nih avangin vawiina kan Bill sawi ho chin atang hi chuan a tha hle turah a lang thei a. Chuvangin ratify tura kan Finance Minister zahawm takin a rawn ngen na kha ka thlawp e, ka lawm e.

S P E A K E R : Awle, kan House Leader aiawh Home Minister i sawm ang.

Pu R.LALZIRLIANA, MINISTER : Pu Speaker, vawiina One Hundred Twenty Second Amendment tulna chhan kan hotuten, kan member zahawm tak tak ten an sawi ngaihnawm thiam khawp mai a. Kan tih hi a tul ve tho a, lo ti lo pawh ni ila, lo object pawh ni ila kan hmang dawn tho a. Amaherawhchu, helaia ngaihnawm taka kan hotuten an sawi thei kha a ropui ka ti a. Thil in lo chhinchhiah a, in lo chhiar zau a, an lo chhiar zau hle in kan hria a, a lawmawm ka ti a. Tin, he Constitution Amendment official resolution lo lutah hi chuan kan inlungual hle pawh in ka hria a, a lawmawm hle in ka hria a ni.

Ni hnih awh tur chauh session kan han koh chhan lian ber chu hei hi a ni a. India Constitution Amendment vawi 122-na Article 368-in a phut anga India ram state zawng zawng zatve talin kan remtihpui 'ratify' a ngaih vang a ni a. Kan ngaihthla tawh a, sawi tam vak a tulin ka ring lo va. India rama chhiah lakna hi central sorkar leh state sorkar ten Indian Constitution in thuneihna a pek atanga Dan an siam hmanga tih a ni a. Tunah hian kan ngaihthlak tawh ang khan tax an lak tam tak hi tih tawp a ni dawn a ni.

Tunah hian kum sawm tam tak kan hman thin leh kan hman mek chhiah lakna dan hi India rama Goods & Services Tax (GST) kan tih dan siam a nih theih nan India Constitution-a Article thenkhat leh central leh state te thuneihna thenkhat Seventh Schedule-a list 1 leh list 2-a awm te pawh hi tih danglam hlek hlek he thil avang hian a ngai dawn a ni. He Hundred Twenty Second Amendment hi hman theih a nih veleh tuna central sorkarin bungrua leh services hrang hranga chhiah a lak mek leh state ten keimahni Dan hmanga chhiah kan lak mekna Dan te hi la tih danglam vek a ngai dawn a. Nichina kan sawi tawh ang khan, nakum April ni 1 atanga GST Dan chu chhiah lak nan hman tan tum a nih avangin GST Dan pawh hi he House-ah bawh hian kan la ngaihtuah veleh dawn a ni.

Tuna kan han sawi tam tak kha nakina kan ngaihtuah tura kan sawi tur te pawh a ni hlawm a, a advance a, a tha in ka hria a. India ram in he GST Dan hmanga chhiah a la tur hi khawvel in a thlir thup a ni tunah hian. Mithiamte chuan he chhiah lakna thar kan hman hunah chuan chhiah lut pawh nichina kan ngaihthlak ang khan a tam an ring a. Chhiah pumpelh leh chhiah lut kim lo te pawh hi a tlem zawk an beisei nghe nghe a ni.

Mizoram State leh North Eastern State ten harsatna kan tawh palh theihna tura kan lo hlauh ruk erawh chu internet communication tha tawh lo hi, hei hi kan buaipui thei mai awm mang e aw tiin a mimal ang tak pawhin hlauh rukna kei ka nei a. Tun tum session-ah hian GST Dan kan la khawih rih dawn lo va. Kan hria a, India Constitution a GST Dan siam theihna tur kawng lo dal thei siam remna mai a ni a. Parliament-in a pass tawh hi Mizoram sorkar hian he House zahawm tak hmang

hian kan remtihpui, kan ratify ve mai dawn chauh a ni. State thil thawn chhuak hnem te aia a leitu, kan ngaihthlak tawh ang khan state te zawk te hian GST Dan hi hlawkpui tura ngaih a nih avangin Mizoram pawh hian he Dan hi kan hlawkpui ve ngei turah kan beisei tlangin ka hria a. Chu chu central sorkar-a helai Dan siamtu turte pawhin an beisei, khawvelah India ram hi ram ropui a nih theihna tura state changkanglo te changkan ve na tur atana an beisei niin a lang a. Chuvangin, vawiina kan Finance Minister zahawm takin official resolution a rawn putlul hi kan zavaia pass pui turin ka'n sawm a ni.

S P E A K E R : Kan duh tawk tawh dawn niin a lang a. Kan Leader aiawhin a sawi tawh bawk a. House kal hmangah chuan a tawpna turah member lam atang chuan ngai ila. Tunah hian a resolution neitu, Finance Minister zahawm tak Pu Lalsawta kan sawihona te han tlip sela, sawifiah ngai laite sawifiah sela, chumi pahin resolution pass han dil nghal mai se. Amah i sawm ang.

Pu LALSAWTA, MINISTER : Pu Speaker, ka lawm e. Member zahawm tak tak ten Constitution 122-na, Bill ratification tur chungchangah an rawn sawi a, bengvarthlak tak tak a tam a. Tin, an lo zir nasa a ni tih pawh a chiang a. Pu Speaker, nichina kan ngaihthlak tak ang deuh khan kum 2018 inthlana keini lam hi kan tlin hlauh chuan ti a Finance Minister hauh deuh awm ang pawh kha an sawi atang kha chuan kei pawhin pahnih vel chu kan hual deuh nghal ve mai a. Mahse, 'chuan' kha a lian ang reng khawp mai a. Hawrawp pui chu niin ka hria a, khelh fet ngai chu a ni ve a ni. Member-te an thawh hlawk khawp mai.

Chhiah chungchang hrim hrim hi Pu Speaker, vawiinah pawh hian in lamah te leh ram kalna thlengin mobile phone hi kan hum fur mai a. Kan mobile phone atanga cess an lak ringawt atang hian SSA kan tih te, RMSA kan tih te hian India ramah hian vung takin hna an thawk thei a ni, 2% leh 1% chauh an la chungin. Chuvangin, tlemte te-a han tih hian a lo tlin khawm hi chuan a lo tam thin a. Chu chuan kan lo pek theuh avangin ram hmasawna kawng laihna te, damdawi in siamna te, sorkar hnathawk ten hlauh an lakna turte leh kan ram sipai Navy, Airforce te thlenga kan hman tangkai em em tur atan hian te lua awm lovin chhiah hi chu kan la ve zel reng a.

Vawiina kan han sawi bikah hi chuan member ten an sawi tawh ang khan direct tax a ni a. Kan ipite atanga pek ngai lo, kan pawisa han ni zet, chuta tanga pek leh ngai lo chi zawng, bungruaa rawn bet nghal a ni a. Entirnan mai mai Pu Speaker, kan House chhung pawh hi han hawi ila, chhiah lakna hi a tam khawp mai a. Manufacture goods reng reng hi chu chhiah lakna vek a ni a. Central sorkar in a rawn lak tawh vek, a mana rawn bet sa a ni a. Entirnan, Hrangbana Motor atang sawn car nuai li man va lei dawn ta ila, khamia Union Excise lo bet sa kha nuai khat vel dawn

lai kha a ni mai a. Chutichuan, kan va lei dawn khan chhiah tello khan Mizoram VAT kan lo lak ve kha engemaw zat a lo ni bawk a. Chutah chuan kan va lei dawn khan nuaikhat a ni a, mahse, 'chhiah i pek phawt a ngai e, chhiah hi Taxation Office-ah nuaikhat leh singnga hi va pe phawt la, a receipt rawn keng la, kan lo lei tir ang che,' ti ta sela. Nuaili chuang man te pawh kha chutianga min tih chuan keimahniin kan pawisaa chhiah kan pek zia kha kan hria ang a, he car ka leinaa nuaikhat chuang hi central-ah leh state-ah hian ka pe a ni tih kan hriat chuan sorkar pawh hi kan ta tu theih hmel zual a. Sorkar kan ta tu zual chuan kan leihlawna a kilhna lo it a, lo herhthlawn a, thirchhe zawrh a lo zawrh tak mai mai ang chi te avanga harsatna kan tawh ang chi te pawh hi kan pumpelth turah kan ngai a, a ta tu kan nih miau kha chuan. Chuvangin, khanglaite pawh kha ka'n sawi tel duh a.

Tin, Samsung tih hi a lar khawp mai a. Samsung hi Mizo tawng hian engtinngge kan tih ang aw! Zuk inchhunfin, anmahnia an nihna hloh thaka zuk inchhunfin, zuk nih khawmho tawhna kha a ni tlangpui a. Chutiang tur chuan kan chhiah lak tur tam takte hi kan chhun fin tawh dawn a.

Tin, kan House Leader zahawm takin a rawn sawi ang khan a hralhchhuaktu aia a leitu ten kan hlawkpui tur a nih avang hian Punjab te, Haryana te, Gujarat te hi chuan an huphurh khawp mai a. Kan bungraw siamchhuah zawng zawng leh kan tharchhuah zawng zawng angah hian hmuh tur aram kan nei tawh si lova, chuvangin he thil hi tha pawh kan ti lo an ti a. Engemaw lai phei kha chuan an hel viau a. Chhiah hi a leitu state hnenah a lo kal dawn a ni.

Tin, tuna kan hman mekah hian Central Sales Tax (CST) kan ti a. CST a ni na-in central-ah a lut miah lova, a hralhtu state te kutah a luh avangin, tunah pawh hian hman atanga kum 1956 atanga kum tam tak 4% ni thin kha hemi GST buaipui chhoh a nih atang hian a tihniam tial tial a, tunah hian 2% a ni a. Chutiang chu Empower Committee han kal khawm te pawh hian, state hausa ho khu chuan, 'CST kan chan tur hi in tihniam zel a, hei 4% atangin 2% in tihniam tawh a, 2% hi min pe rawh u,' tiin compensation hi an nawr luai luai thin a. Keini hi chuan ₹ 1/- em pawh hi kan nawr ve ta lova. Manufacture kan nei lova, khatianga han compensate ngai pawh kha kan nei lova. A zangkhaithlak viau na-in a zahthlak chang te pawh hi a awm ve thin a.

Tin, nakina he House veka kan lo kal leh hunah chuan hemi GST in a ken indirect tax ni lo, direct tax pawh hi a rawn tel tawh mai awm mang e aw tih hi kan beisei a. Chu direct tax ah chuan professional tax, Article 276-na ami kan income azira chhiah kan lo pek ve, kum 1988 atanga kum tam tak vawiin thlenga ₹ 250/- ni thin ₹ 2500/- a han pun chhoh tak, kum 30 teh meuh ₹ 2500/- ni ngar ngar mai, ₹ 12,000/- a rawn tihpun an tumna te pawh hi session lehah te chuan kan ngaihtuah a

ngai mai thei a. Chu chu indirect tax a nih avangin vawiinah chuan kan sawi tel ta lova.

Tin, kan GST lo awm turah hian kan hlawkpui turah kan ngaih rualin state tam takin an hlauhthawn ang hi hlauhthawn ve pawh ngaiin ka hria a. A chhan chu thil siamchhuah lama mi va tih phur a, mi hausa te, industrialist te, mithiam te, khang ang kha thil siam chhuah lama zuk encourage ta lova a letling zawnga a leitu lampanga encourage tlat mai kha sorkar kalmangah chuan tha ber chu a ni lo tawp mai a, chutiang chuan ngaihtuahna hi a awm ve thei a. Amaherawhchu, thil man hi tlawm rawh se tih hi GST in a ken lian ber a ni a. Thil man tlawm tura an duh avang hian India ram atanga thil hralh chhuah reng reng, export reng rengah hian tax pakhatmah lak tur a ni lo a ni.

Chungte chu GST in a ken ropui tak a ni a. CST tuna kan hman mek 2% kan pek zel, bungrua kan chah pawha 2% kan pek zel, CSC Form kan tih mai lar tak, heng ang chi te hi a awm dawn tak loh avangin a hralhtu state te hian nichina kan sawi ang khan kan hloh dawn ta a ni an ti a.

Buhfai te phei chu Punjab atanga kan hmuh hi a tam ber a, chutiang ang chi-ah te pawh chuan Pu Speaker, tun dinhmuna kan chhiah lakna-ah hian mipui ina an phur puina, taimakna leh rinawmna nena chhiah chungchanga an thawh chhuahna tur tak tak hi he GST hian rawn tih theih an inbeisei a ni.

Tin, tuna kan sawi CST ber kha a awm dawn tawh lova, khami aiawh tura an han siam, an han buatsaih hi tunah hian an hmet hlum hmak a. An hmeh hlum tak hmak bawk si avang khan khang state ho Gujarat tih ho kha compensation kum 5 chhung an pe dawn a ni. A hma chuan kum 5 thleng pek theih a ni ang tih kha a nia, tunah chuan kum 5 chhung, kum 5 kha ngei ngei a ni ta a. Pawi khawiha kum 10 thleng lungin tan theih tiha nikhat emaw lung in an va tan a, nikhat pawh kha 'thleng' tih avanga thleng tih a ni a, kum 10 a ni lo e kan tih ang chiah khan 'kum nga thleng' tih thin kha 'kum nga' an rawn ti ta hmak a. Chuvangin, nichina kan member ten thiam taka an sawi ang khan India ram, khawvelin a thlir thup khawpa GST he chhiah lak theihna tur atana Constitution Amendment ratify tute zinga kan han tel ve pha leh kan tel thei hi vanneihthlak ka ti a. Historic moment kan tih ang a ni a, chumi lo thlira lo phurpui em em ve thin Union Finance Minister hlui P. Chidambarama te chu chutiang zawngin a awm ve ta lo a, vawiinah hian a tel ve tawh lo va. Keini chu vanneihthlak takin i hovin, Pu Speaker, vawiinah hian GST kawng sialna tur Constitution Amendment kan ratify thei dawn a. Chuvang chuan, kan member zahawm tak ten he official resolution hi min pass pui turin ka ngen a ni. Ka'n chhiar chhuak ang e, Pu Speaker. "That this House ratifies the amendment of the Constitution of India falling within the purview of clauses (b) and (c) of the proviso to

clause (2) of Article 368, proposed to be made by the Constitution (One Hundred Twenty-Second Amendment) Bill, 2014, as passed by both the Houses of Parliament.” Ka lawm e.

S P E A K E R : Awle, kan Finance Minister zahawm takin a resolution putlul House pawmpui turin a rawn dil a. A resolution chu a chhiarchhuah tak ang kha a ni a, tunah kan pass dawn avangin ka'n chhiar chhuak leh ang e - “That this House ratifies the amendment of the Constitution of India falling within the purview of clauses (b) and (c) of the proviso to clause (2) of Article 368, proposed to be made by the Constitution (One Hundred Twenty-Second Amendment) Bill, 2014, as passed by both the Houses of Parliament” hi he House nemngheh pui turin a dil a, nemngheh remti zawngin ‘Remti’ ti ru le. (MEMBERS: Remti) Remti lo kan awm em? Awm lo.

Tichuan, he House hian kan Finance Minister zahawm takin resolution a putlul chu lungrual takin a ratify a ni.

Pu LALSAWTA, MINISTER : Pu Speaker, ka lawm e.

S P E A K E R : Tunah chuan Amendment Bill kan Deputy Leader, kan Leader aiawh Pu R. Lalzirliana'n “The Mizoram Road Fund (Amendment) Bill, 2016” he House-ah hian introduce phalna rawn dil hmasa sela, i sawm ang.

Pu R. LALZIRLIANA, MINISTER : Pu Speaker, ka lawm e. He House zahawm takah hian “The Mizoram Road Fund (Amendment) Bill, 2016” introduce ka rawn dil e.

S P E A K E R : Kan phalsak maw? A lawmawm e. Introduce sela, tichuan sawiho turin rawn move nghal mai se a tha ang e, i sawm ang.

Pu R. LALZIRLIANA, MINISTER : Pu Speaker, he Road Fund Bill hi 2007-ah khan kan lo passed tawh a. 2010-ah khan a Rules kha kan lo siam tawh a, hei hi Act a ni tawh a, amaherawhchu kan la hmang ta lova. Central sorkar duh angin Mizoram sorkar chuan nichina ka sawi ang khan kum 2007 daih tawhah khan he Dan hi kan lo siam tawh a, a Rules pawh 2010-ah kan lo siam tawh a. “The Mizoram Road Fund (Amendment) Bill, 2016” hi ka rawn introduce a, ka'n sawi zui mai ang e.

Tichuan, he Dan clause-4 na in a sawi angin Road Fund Board, Corporation anga hna thawk tur hetiang hian siam a ni bawka. Chairman atan Minister incharge a ni a, Vice Chairman atan Chief Secretary, Member Secretary E-in-C and Ex-Officio Secretary PWD, Member te –

- 1) Finance Commissioner,
- 2) Planning Commissioner,
- 3) Director-Transport,
- 4) Commissioner-Taxation,
- 5) Chief Engineer – Highway,
- 6) Chief Engineer-Roads,
- 7) Inspector General of Police,
- 8) 3 representatives from stake holders,
- 9) 4 representatives from NGOs.

Heta stake holders organization aiawh tur hian PWD chuan heng pawlte hi a nominate a, chungte chu stake holder chhawrtu te aiawhah chuan – Zoram Drivers Union (ZDU), Mizoram Consumers Union (MCU), Mizoram Road Transport Union (MRTU) te an ni a. Tlawmngai Pawl-ah hian – MUP, CYMA, MHIP leh Mizoram Kohhran Hruaitu Committee (MKHC) te an ni a.

Pawl hrang hrangte hi lehkha pe in sawm an ni a, chungah chuan MKHC hian an rawn chhang ve lova, vawi hnih lai reminder pek an ni a, amaherawhchu chhanna kan hmuh tak loh avangin Dan in a phal tho va, anni tello hian a dang 3 te hi ruat an ni ta a ni.

Tichuan, he Amendment siamthat a tulna chhan hi a awm a, he Dan hnuaia Board Constitution-ah hian E-in-C hi khatihlai khan Secretary to Government ni thin kha tunah chuan siam danglam a lo ngai ta a, hengte avang hian amendment, siamthat hi kan lo rawt ta a ni. Tin, chulovah chuan khatihlai 2007 leh 2010 inkar lai khan Municipal Council emaw, Corporation emaw kan la nei lova, tunah chuan Aizawl khawchhung bik atan Corporation hial kan lo neih tak avangin AMC hi kawngpui enkawltu-ah hian an pawimawh baw si a, Board memberah hian an tel ve a ngai a. Chutiang baw chuan department hrang hrang Police, Traffic, Environment and Forest leh Geology and Mining te pawh an tel a ngaih avangin amendment hi siam a lo ngai ta a ni.

Mizoram Road Fund Board hian road fund grants receive for road maintenance fees, fines and other collection te hi a enkawl tur a ni dawn a. Tin, sorkar-ah eng angin nge kawngpui hmangtute hnen atang hian hman man kan lak ang tih te pawh an en a ngai dawn a. An recommend a tul dawn a ni, heng siamthiat ngaite hi Subordinate Committee on Legislation chuan May ni 15 – 18, 2015-a thukhawm khan ngaipawimawh hlein siam that turin a lo rawt tawh a. Tin, Mizoram Law Commission thukhawm vawi 29-na pawhin 26.5.2015 khan Principal Secretary, PWD hnenah siamthat ngai laite a lo sawipui tawh baw a.

Chu chu Cabinet Committee, Council of Minister pawhin dt. 7.4.2016 khan a lo remti tawh a, tunah hian Legislative Assembly hmaah kan rawn chhawpchuak thei ta a ni. Kan amendment rawtna te hi Law Department pawhin zirchiangin a lo remti a, a lo vet ve tawh a. Vawiinah chuan he House zahawm takah hian in remtihpuina lak beiseiin kan rawn pharh chhuak ta a ni. Heng kan amend te hi a tlangpuin kha kha a tulna te leh a tlangpuia han sawifiahna ni ta sela.

Kan amend tur hi nichinah khan kan sawi tawh a, amaherawhchu chiang deuh zawkin kan sawi leh ang a. Amendment section 4-ah hian sub section 4-a a Board member hi siam rem a, belh ngai belh tura tih a ni a. A hma khan 12 an ni a, tunah hian 18 an lo ni ta a. A belh te chu: –

Principal Secretary,
 Secretary, Commissioner, PWD,
 Secretary, Law & Judicial Department,
 Secretary, Transport Department,
 Secretary, Land Revenue & Settlement Department,
 Engineer in-Chief, PWD,
 Chief Eexecutive Officer, AMC,
 Chief Engineer (Building), PWD

Hengte hi a hma a tello kha an ni a. Anni te nen hian 18 an ni ta a ni.

Tin, a pahnihnaah chuan amendment section 5-ah hian clause(k) dawtah hian clause (l) belh tur a ni a. Chu chu helaiah hian a inziak a, in hmu a, ‘to approve core road network to be maintained’ tih a ni. Tin, section 5-ah tho hian sub section 2-ah hian clause 6 dawtah hian clause 1 belh lehin clause 7-na tih tur a ni a. Chu chu tilaiah hian a in ziak a, ‘recommending the core road network proposed by the road agencies for approval to the Board’ tih a ni.

Tin, amendment section 6-ah hian sub section 2 a clause 6 hi a awmsa bakah tlem belh hlek tur a ni. A awmsa hi (b)-ah hian hei in hmu a ‘fees, fines and other amounts collected by the Government under the Mizoram Highways Act, 2002’ tihah khan a tawp a, a belh tur hi ‘and any other funds collected by PWD’ tih a ni leh mai a.

Amendment section 8-ah hian collecting agent awmsa bakah agent 4 belh tur a ni a, chungte chu a awmsa hi Transport Department a ni a. Hei hian ‘road based fees and taxes including road tax, driving license fees, vehicle registration fees, wheel taxes, national and tourist permit fees’ an chang a. Taxation Department-in ‘Cess on diesel and petrol’ a chang a. Tin Public Works Department hian ‘toll fees on selected bridges and roads and fines’ tih an chang a. Chulo chu pali belh a ni ta a,

chungte chu Home Department, Home Department hian ‘fees from traffic fines’ an chang ve thung ang a. Tin, Environment & Forest Department hian ‘royalty on forest products’ an chang ang a, an hma ang a. Geology and Mineral Resources Department hian ‘royalty on minerals’ tih an chang ang a, Aizawl Municipal Council hian ‘fees from vehicle parking’ an chang dawn a ni. Chutiang chu tuna amendment kan rawn propose kha a ni a, he House hian min ngaihtuah sak a min pass pui turin ka’n sawm a ni. Pu Speaker, ka lawm e.

S P E A K E R : Hei hi amendment mai a ni a, sawiho tehchiam ngai lovin ka hria a, Amaherawhchu clarification. engemaw zawhchian ngai, hriat chian ngaite a awm chuan member zawhawm tak ten clarification siam ngai te in neih chuan lo siam ula. Aw, Pu Thanliana.

Pu LALTHANLIANA : Pu Speaker, Aizawl Municipal Council tih kha Corporation a lo nih tak si ah hian Chief Executive Officer ni tawh lovin Commissioner tia thlak a rem tawh mai em tih leh helai amendment of section-8 ah hian 8 collecting agencies tihah hian 7 in dah a, ka chhiar thiam loh vang nge serial no 7 thleng a awm a, a karah hian pahnih a double na hi a awm nge ka hre lova. Tin, Aizawl Municipal Council tih serial no. 7-na ami pawh hi Corporation tih awm tawh a ni em tih kha kan zawt a ni.

S P E A K E R : Aw Er. Rinawma.

Er. LALRINAWMA : Pu Speaker, ka lawm e. Amendment section 4-na members tihah khan helai collecting agent thar ami ho Home Department, Environment and Forest, Geology and Mineral Resources Department te kha, engmah an aiawh kha kan dah ve ta lova. Chutih laiin Secretary, Land Revenue and Settlement kha kan dah leh lawi bawk si a. Khang kha Environment and Forest te hian tih tur tam tak an nei bawk si a. Home Department lamin tih tur an nei bawk a, Geology and Mineral Resources lamin tih tur an nei bawk ta a. Tin, Transport lampangah hian an Secretary kan dah tho a, chutih laiin Director kan dah tel leh bawk a. Anni kha chu a kalna tur chauh kha an ni mai a, an motor siamna tur kha, anni kan va ngaipawimawh leh hle bawk si a. A collecting agent ho hi kan van dah kim lo ve tih lai kha ka’n zawt duh a.

Tin, helaia section 6-na, a changtu Minister a awm lova han zawh chiam pawh hi a inthlahrunawm khawp mai a, amendment section 6-a a rawn belh ‘any other funds collected by PWD’ hi enge a tum tih kha min han hrilhfiah sak se thain ka’n hre bawk a. Tin, amendment section 5 (vii) ‘the core road network’ a tih hian enge a sawi tum lai deuh tih kha Pu Speaker, min han hrilhfiah thei se a lawmawm hle ang.

S P E A K E R : Awle, a dang a awm toh loh chuan, a la awm leh maw? In phar tlai thin e mai.

Dr.K.BEICHHUA : Pu Speaker, kan phar reng a min hmu lo zawk a ni. Kan Minister zahawm takin 'The Mizoram Road Fund (Amendment) Bill' a rawn theh lut a, lawmawm ka ti a. Chutih rual rual chuan ka rilruah heng vawiina kan session hi engatinge maw emergency-a kan koh thut thut le? A hma khan hun kan nei tha thawkhat tho in ka hria a tih te pawh a rawn lang a. Kan sawi zung zung ang a, Statement of objects and reasons-ah 'amendment relating to consistence of the members of the Board' tihah hian en ta ula, Principal Act-ah khan Chairman tiamin 12 kan nia, tunah hian 18 lai kan ni. Chuti a nih chuan tuna kan kawng dinhmun hi 12 in kan siam that hleihtheih loh khan 18 hi chuan kan siamthat theih tawh ngei ka ring a, chu chu pakhatna ni ta se.

Pahnihnaah chuan amendment relating to powers, duties and functions of the Board tihah khan powers, duties and functions of the Board te kan en hian vawiina kan power neih te leh duties kan neih ang te hi a nihna dik tak hian hmang ta ila, Zoram kawng hi tun ang hian a chhe thei dawn em ni tih hi rilruah a rawn lang a. Chuvangin tuna kan amendment laia ka sawi duh chu, tuna kan amend-na lai point te te ang thil tha tak tak te pawh kha hman tangkai tum ta ila, a practical-a kan hman si loh chuan kan amend hian awmzia a nei lo palh ang tih kha ka sawi duh bawk a.

Pathumnaah chuan amendment relating to the establishment of fund a ni ta a. Hetah hian central government atangin grants tam tak kan hmu a, chumi piah lamah chung te chu road rehabilitation te, maintenance leh repair-na tura ngaih a ni a. Tin, chumi piah lamah chuan fees, fines and thil dang atanga hmuh leh tuna kan dan tharah phei chuan New Delhi atanga collect ngai tur ang chi te pawh kha a rawn dah bawk a. Chung te a nih chuan heng kan fees leh kan fine leh thil dang zawng zawng, grant kan hmuh zawng zawng te nena han belhkhawma han ngaihruat hian sum hi a tam thamin ka hria a. Chuvangin hei hi a dik tak hian hmang ta ula, PWD-in a collect zui lehngal te phei chuan eng vang in nge Mizoram hian kawng chhia hi kan la neih reng tih hi rilruah nei a, hei hian a tihthat ngei beisei bawk ila. Chuvang chuan heng kan amendment-na lai te a ka rawn stress duh chu PWD-in chhiah kan han lak belh te phei chuan kan kawng hi practical-a tha hle turin hma la thei ila tih kha rawtna ka rawn siam duh bawk a.

Palinaah amendment relating to collecting agent a ti ta a. Kan principle acts kha kan en ang a, a hmaa collecting agency kan neih te kha Transport department te, Taxation leh PWD kha an ni mai a. Tunah hi chuan 8 (eight) collecting agent tiin kan rawn thlak a, a collect-tu tur pawh hi kan tam viau tawh a ni. Chuvangin a collect-

tu kan tam bawk a, chhiah/tax pawh kha tam turah ngai ta ila. Nikum lama resolution ka luhpui kha ka rilruah a awm reng a, a aia kawng tha zawk tih kha ka rilruah a la cham reng a. Chuvang chuan vawiinah collecting agent pariat lai kan nih takah chuan tun aia chak zawk hian hma kan la thei tawh ang tih beiseina ka nei a. Chutiang chuan thlirna nei ta ila. Vawiina kan kawng chhe ta lutuk hi chu a tha thei mai awm mang e aw tih rilruah ka nei a, a lawmawm ka ti a, support loh chi pawh niin ka hre lem lova.

Tin, vawiina hetia Bill kan hmuh hian rilru in Inrinniah khan Siaha atangin ka rawn phei a, zan dar 9:00 P.M-ah ka lo thleng phei ta a. Nikum lama kan black top kalkawng te pawh kha chirhdiakah a chang leh ta vek mai a. Heng te pawh hi amendment tharah hi chuan kum khat daih lo kalkawng hi chu awm tawh lo turah Pu Speaker, beiseina nen lo thlir ila tih kha ka sawi duh a ni e. Ka lawm e.

S P E A K E R : Awle, Pu Lalruatkima.

Pu LALRUATKIMA : Awle, Pu Speaker, tawi te in hei The Mizoram Road Fund (Amendment) Bill, 2016 kan han sawi a ni a. Kawng chungchang hi ni e, rilru a luah lo thei lo va. Kan hriat angin he Bill hi PWD kuta awm a ni a, 2007-ah Act kan nei a, amaherawhchu, Rules erawh kha chu kan siam har khawp mai a, 2010-ah khan Rules kan neih chauh thu kha kan ngaithla tawh a. A nihna ang hian kan la hmang tawh lo ni te pawhin a lang a. A ken kawh chungchangah te, a beh chhan Rules siam chungchangah te pawh a department-in tan kan lak a tul khawpin ka hria a. Pu Speaker, hei a siamthat tur awm tlangpui kha kan ngaithla a. Road Fund Board-ah hian kan Minister zahawm tak, Bill neitu khan a rawn sawi a, 12 (sawm leh pahnih) a hma khan a ni a, a ti a, a lunung erawh chuan NGO leh share holders aiawh kha 3 (pathum) leh 4 (pali) a nih avang khan, a lunung chuan 17 (sawm leh pasarih) a hmasa ami ah kha chuan a ni dawn a. Tunah khan 18 (sawm leh pariat) an ni tawh a tih a kha a lunung chuan 23 (sawmhnih leh pathum), share holder te leh NGO te kha 3 (pathum) leh 4 (pali) an nih tlat avang khan, khalai te kha kan sawi duh a. Kan ngaihthlak tawh ang khan Chief Executive Officer kha Commissioner-ah AMC kha thlak a ngai a, khalai kha an lo thlak tawh vang a ni a.

Tin, amendment section 8-ah khan 8 (eight) collecting agents ho kha Geology & Mineral Resources Department leh Environment & Forest Department te, khangho kha Road Fund Board-ah khan tel lo si khan, Transport Department kha Commissioner leh Director kha an tel kawp lawi bawk si a, khalai kha chu kan Minister zahawm tak khan siam that leh theihna remchang te pawh a awm thei ang a, pahnih kha a tullo thei ang a, Transport department-ah khan tih kha kan sawi lang duh a.

Tin, chutih rual chuan Pu Speaker, nikum 2015 khan Subordinate Legislation Committee chuan he 'The Mizoram Road Fund Rules, 2010' kha kan zir Chiang a, kan Chairman zahawm tak Pu John Siamkunga hovin. Chutah chuan hmalakna, kan ramin chhiah kan hmuh theihna tur te, sum leh pai kan hmuh theihna tur tam tak kha he Acts, Rules hmanga kan kenkawh tur kha tih tak loh, hlamzuih ti mai ang, hlamzuih tih dawn chuan ni chiah si lo, bawhzui lem loh kha kan nei a, hma kan la lo a. Chulaiah chuan a hming leka din ni lovin tunah erawh chuan theihtawp chhuaha mipui tan leh sorkar tan pawh hlawk zawk leh tha zawka Dan kan neih te hi kan hman tangkai a tul khawp mai a. Chutih rual chuan he Fund Board-a hi a hming leka din anga a lan theihna chu establishment hran a nei lo va, PWD atangin an pawt khawm a, a hranpaa thil tih kha a awm chuang si lo va. Tin, a Rules-ah te pawh khan thla thum dan a thu khawm tura ruahman a nih laiin vawiin thleng hian vawi 2 chauh an la thu khawm a ni. Chutiang te chu kan nih avangin kan Dan neiha te pawh hi tangkaia hmang thei turin kan hotuten tan kan lak a tul khawp mai a.

Tin, Road Fund Act kan neih rau rau chuan hemi behchhan hian rules kan siam chak a ngai khawp mai a, road fund atanga central-in kan state mipuite atanga pawisa an hmuh ang ang hi, central leh state atang te a kan han hmuh ang ang te pawh kha kawngpui enkawl na atana kan hman dan hi awmze nei zawka tih a tul khawp mai a. Pu Speaker, a puluttu kha mawhphurtu a ni a, mawhphurhna a la a, kawng hi a enkawl kan hre chiah lo va, amaherawchu a zei khawp mai a, tha takin a rawn ti a, a lawmawm ka ti a. Kawng enkawltu ber hi tu ber hi nge maw ni le? Kan Minister te zinga tu ber emaw hi chuan kawng hi min en sak a, hma pawh kan sawn phah viau a. Mahse, kan PWD Minister ber hi hemi kawngah hi chuan a mawng a rit deuh nge ni, kawng a en lam chanchinbu lamah te, chanchin thar lamah te kan hmu chiah lo va.

Amaherawchu, a pulut tur dik takin a rawn pulut ah ngai phawt mai ila. Chulaiah chuan, Mizoram chhim lam leh khawthlang lama kan kawngpui te pawh hi he Dan hi kengkawh ta ila, heti ringawt lo deuh hian kan dinhmun hi a awm theih ka ring a. Chumia fund tha taka kan hman a, kawng tha taka kan maintain chuan he fund-a pawisa pek luh pawh hi, mipuiin pawisa chhun luh pawh hi kan hreh hian ka ring lo a ni. Chuvangin, sorkar te pawh hian hei Dan kan nei alawm, Dan tha tak hnuaiah hian a kenkawh kawngah tan kan lak a kan tih chuan mipuite pawhin kawng a that miao si chuan, sum tuak pui emaw, cess lo lak emaw, toll lo lak emaw, khang ang zawng zawngah khan mipuite kan phunnawi pawh ka ring lo a ni. Chuvang chuan vawiina kan Dan amend tur atang hian sorkar hian central sorkar Ministry of Road Transport leh hmun dang dang atanga pawisa hmuh ringawt ni lo hian tangkai leh rualkhai zawka hman a nih theihna turin Rules siam kawngah tan kan lak a tulin ka hria a. Chumi bakah chuan he Act kan amend atang hian department lam pawhin, a changtu Minister te pawhin kan dan neihte tangkai

taka hmang a, kan ram hmasawna tur te, mipui kan zangkhai zawkna tur te pawhin tan kan lak a tul khawpin ka hria a. Chungte chu kan sawi lang ve duh a ni e. Ka lawm e.

Pu R. LALRINAWMA, DY. SPEAKER : Pu Speaker, amendment of section 8 kha 8 (eight) collecting agent tih ang khan an chhiar a, eight hi chu a section no. a nih hmel a, phok khatna hma lamah pawh khan amendment of section 4-ah hian sub-section 4 hi a zuk amend a, hetah hian 4 hi a dah a, the board shall consist of a ti a. Khatiang chiah khan helai-ah pawh section 8 a amend avangin 8 kha a section no. a ni a, collecting agent ho kha a rawn sawi ta a, chu chu 7 an ni a, collecting agent kha 8 an ni tihna a ni lo tih kha kan Minister-in a la sawifiah tho ang a, ka lo ngaimawh ve deuh a.

Tichuan, AMC tih leh Chief Executive Officer tih kha chu a body kan thlak tawh a, heng hi an draft lai hian an la thlak lo a ni maithei a. Typing mistake leh patent error-ah pawm sak ila, helaia a awm tawh lo na na na he Dan-a dah kha chu patent error angin correct sak hi phal mai ila, tichuan pass pui ila a tha mai lawm ni ka'n ti ve a nih chu.

S P E A K E R : Pu RL Pianmawia

Pu R.L. PIANMAWIA : Pu Speaker, kan thil sawiho ah hian Road Fund Board member chungchangah ngaihawh deuh hlek leh ngaih pawimawh deuh hlek ka nei a. PWD-ah hian Road Fund Board-ah na na na chuan CE building hi a tulna a awm em ni tih ka ngaihtuah mai mai a. Tin, helaia tel awm tak a hi nakin zel atan pawh hriat atan a tha in ka hria a, thil hrang hrangah Board leh Committee siamah hian public leader te hi tel theihna awm chi nia ngaihah telh loh an ni a, official hi a khat pung zel mai a. Chuvangin Board member-ah hian Assembly-a kan Opposition Leader leh rim taka ram leh hnam tana lo bei tawh thin FLAM aiawh kan tih ang chi te hi telh ve ni ta bawk sela, tunai chuan ngaihtuahnaah pawh a man deuh lawm maw ni le tih kha ka rawn rawt a ni e.

Pu JOSEPH LALHIMPUA : Tawite, tuna chhan ngai pawh a ni lova, nakinah Committee neih huna kan Minister-in min lo hriatsak atan. Amendment no. 8-ah Collecting Agency ah khan Climate Change & Forests tih in forests royalty product, forest product kha an la dawn a. Tin, Geology & Mining-in mineral product kha an la dawn a. Helai hi inhniaalna a awm zeuh zeuh thin a, mineral product tih leh environment product, forest product tih ah hian. A chang chuan lui dunga kan balu te hi forest product a ni han tih te, Mineral Resources lamin an product a ni han tih te a awm a, helai hi nakinah

Committee-ah mumal takin clarification min neih sak sela tih kha ka'n request a ni. Ka lawm e.

S P E A K E R : Awle, clarification siam tur dang a awm tawh loh chuan kan Minister zahawm tak kan sawm ang a. Sawifiah ngai te a sawifiah zawhah passrawn dil tawh mai sela. Amah i lo sawm ang.

Pu R. LALZIRLIANA, MINISTER : Pu Speaker, ka lawm e. Ka theih ang angin ka'n chhang ang a. Member zahawm tak Pu R.L. Pianmawia khan CE Building hi telh ve a tul em ni a ti a, CE Building hi Aizawl khawpui kawng enkawltu member te zing ami a nih avangin member-ah telh ve a ngai a ni tih ka sawi duh a.

Tin, Dan siamtute tel ve lohna hliir hi a ni thup zel mai a tih kha Dan hi kan siam ang a, kan awmdan tura tha-a ka rin chu Dan kan siam ang a, a executive, a thawktuten an thawk ang a, nguntakin kan vil ang a, a tul ang angin Dan siamtute hian kan enzuipui tur a ni tih kha ka chhanna ni sela a tha in kan ring a. Tin, nichina kan Deputy Speaker zahawm takin a rawn sawi kha a dik a. Motor nei chuan eight collecting agent a tih kha tih sual palh, typing mistake-ah khawngaihtakin min ngaihsak ula a thain ka'n ring a.

Tin, AMC (Aizawl Municipal Council) kan tih kha he Dan draft lai hian khatiang kha a la ni a. Corporation-ah kan lo la let lova, helaiyah kan han sawifiahna turah pawh hian kan sawi tho nachungin tunah hian kan la rawn ti a, hengte pawh hi patent error angah min ngaihsak a, Corporation ti-a thlak tur a ni tih kha ka'n sawi leh duh a. Pu Thanliana rawn sawi kha a ni a.

Tin, Er. Rinawma rawn sawi sum collect te kha road fund-ah a lut dawn tihna a ni mai, Forest te, Traffic Police ten sum an lo collect te Traffic-in an man te kha hetah 'PWD-ah va chawi rawh u, va pe rawh u' tih chhawn zel kha thil harsa a nih vang mai niin a lang a.

Tin, Pu Ruatkima khan Road Fund Act hi 2007-ah khan kan la tlin chiah lo deuhin kan hria a. Chutiang hre chung si chuan World Bank duh danin an pawisa kan duh bawk si a, chuvangin hei hi siam phawt kha a ni a, sorkar pawh hian khatihlai pawh khan hman kan huphurh hle a ni. Hun a lo kal zel a, kawngpui a pawimawh bawk si a, engemawti tala road fund neih ngei hi a tul nia a hriat tak avangin tun hunah hian an rawn pharh leh ta chu a ni a. Memberte'n thahnem in ngai a, mipuite pawhin road fund chungchangah hian dodalna engmah an nei lo turah kan beisei tlangin ka hria a ni.

Chutiang chuan Central atanga road fund minrawn pek mai loh hi chu state-in thawh ve tur hi tam tak kan nei lova, kan kawngte hi kan duh angin kan maintain tha thei lo a ni tih kha a ni a. Helaiah hian Pu Joseph Lalhimpuia khan forest produce tih hi sawifiahnaah chuan reserve forest chhunga thil hmuh reng reng minerals te pawh forest produce an ni tih kha a ni a. Tin, minerals hi entirnan balu te, lung te outside forest area-ah a nih chuan forest produce a chhiar a ni lova, Geology and Mineral Resources ho chan awm tak kha a ni hrim hrim a.

Tichuan, kan sawi belh leh duh chu keini ang tlangram hmun chhengchhia-ah chuan road transport hi kan rinpui ber a ni lo thei lova, (**Er. LALRINAWMA** : Pu Speaker, point of clarification Home Department leh Environment Department leh Geology & Mining aiawh an tel ve loh chhan kha nichin khan ka zawt a, chhanna kan la dawng lova, Land Revenue & Settlement telh leh na chhan daih pawh kha min la chhang ta chuang lova, kha kha khawngaihin min chhang thei em aw?)

Pu R. LALZIRLIANA, MINISTER : Home-ah chuan IGP, DGP kha a tel a, kan hmuh hmaih palh em ni aw, ka hre lova. Tichuan, kalkawng kan neih that tur a chu, (tura chu a la ni chauh mai a,) rel kawng Bairabi-Sairang te hi km 53 lai kan nei dawn a, a nghahlelhawm hle a. Tin, thlawhna service te hi Aizawl-Kolkata-Delhi via Guwahati tih vel te mai hi kan la neih te a ni hlawm a. Luidung, boat lampangah kawng kan la nei bawk si lova, tunah hian hma chhawp mek a ni tih erawhchu kan hria a. Chuvangin, kawngpui ngawt hi kan rinrawl ber a ni si a, enkawl that hi chu kan tih makmawh a ni. Kan hotute pawhin in hria a, kan MLA zahawm tak tak te pawhin thahnem in ngaihna awrawl pawh hi a ring viau thin a, a lawmawm khawp a ni.

Amaherawhchu, sorkarin kawngpui tha tak neih a duh lain sum harsatna avangin duh angin kan enkawl hleithei lo tih hi chu zep chi pawh a ni lo, kan hre vek a, kan kal vek a, kan hmu vek a. Central atanga National Highway te hi enkawlzui nan Central Road Fund tih loh hi chu kan State-in tihtham PWD-ah, kawng siamtu te hnenah kan chhung thei lova Chuvangin kan kawng tam zawkte hi chu a chhia kan tih hi a dik a, a mawhphurtu pawh tumah kan awm hranpa chuang lova.

Tax han khawn tam deuhin, thil dangah lakluh han tum ila, 'chumi a it, chumi a it' kan inti bawk si a. Chuvangchuan a ngaihna hi a vang khawp mai a ni. Kalkawng chhia hi chu sawi tam pawh a ngai lova, kan hre tlang, he Road Fund Act leh Rules te hi kan hman chuan awmze nei zawkin nichina

kan MLA zahawm tak ten in beisei ang khan sumte pawh tlem azawng kan hmuh belh ang a, a maintainace te pawh hi tha zawk deuha tih theih te pawh kan la inbeisei a ni. Vawiina kan amendment rawn put luhte pawh hi sorkar hmasa zawk khan remhre takin an lo ti tawh a, a hman hma in engemaw her rem hret hret turte a awm a. Chuvangin he House zahawm takah memberten lungrual taka kan pass theih turin kan rawn pu lut a ni a, min pass pui tur pawhin ka sawm duh che u a.

Pu Speaker, chutihrual chuan road lam thilte a ni bawk a han zeh tel duh kan nei a, hei hi kan sawi lawk ang a. Aizawl traffic jam chungchang hi a ni a, Aizawl traffic jam avanga harsatna hi Aizawl khawpuia cheng leh Aizawla rawn zin Mizoram hmuntin leh khawvel ram dang atanga lo kal te, Mizoram tlawhtu apiangin an sawi, hrehawm an tih a tling tawh a, a tihngaihna tak kan hriat loh avangin tunah hian kan tuar ngawt ngawt mai a ni ber mai a. Motor in tlanhhawkte pawh hi hlawhtling thawkhat mah ila, a ni telin lirthei a pung zel a, nitin lirthei hi tam tak register a ni thin a ni. Chutiang chuan natna avanga major surgical , operation kan mamawh tawh laia nachhawka ei ang deuh chauh hi tuna kan hmalakna hi chu niin a lang a ni. Damloh avanga emergency thila hmanhmawha lirtheia tlan a ngaih chang leh kan nitin nun hrim hrima Aizawl traffic jam in min tihbuai leh petrol leh diesel hek leh boruak a tihchhiat in hrisel lohna a thlente ngaihtuahin he traffic jama harsatna hi kan Chief Minister zahawm tak Pu Lal Thanhawla ho hian engtin emaw tal chuan tihdanglam i tum teh ang u tiin traffic jam tih nepna tur kan ngaihtuah a, chu chu helai House-ah hian puan a, mipuite pawhin an zawm ngei ka duh avangin tun hunah hian hun remchang ka rawn la a ni Pu Speaker.

Sorkar hian Transport Department te, Police Department te, Aizawl Municipal Corporation (AMC) te, Urban Development & Poverty Alleviation Department te, Public Works Department, Power & Electricity Department, Public Helath Engeneering Department leh BSNL ten uluk taka ngaihtuahin hetiang hian ruahmanna a siam ang a, mipui pawh tuartu ber kan nih avangin mipui leh political party zawng zawng pawhin an tawiawm ka beisei a ni. He remruatna hi hetiang hian kan han duang a, lirthei nei zawng zawngin kumin October ni 1 atangin an lirthei dahna garage nei lo ten an inah emaw, an thenawm hnaiah emaw, an veng chung midang hmun remchangah a dahna tur garage neih nan an thawk tan ang. Tichuan mi tam tak khawpui laili leh kawngpui dunga inhmun nei ve pha lo te pawhin eizawna tha tak an hmuh theihna kawng a inhawng dawnin a lang a ni.

Tin, pahnihnaah chuan kumin October atanga kum 2017 November thla tawp thleng ni 426 chhung hi Aizawla lirthei nei zawng zawngte an lirthei dahna garage siam nan hun pek an ni ang. Chu chu mipuiten, motor nei ten hriat a pawimawh khawp mai, mi hausate a bikin an ni. He hun chhung hian a chungka kan

sawi department te hian Aizawl khawpui chung kawng siam danglam hna a tul angin an thawk ang a. Hetihlai vek hian Transport Department pawhin Private Vehicle Service Provider te hmangin leh a tul dan anga sorkar pawhin thil ti zel chungin mipui hman tur public transport tihphuisui dan kawng hrang hrang a buatsaih char char bawk ang. He hun chung vek hian Transport Department, UD & PA Department, AMC leh Police Department ten Aizawla Taxi stand mamawh lo thei hial tura (Speaker : Ngawi rawh aw, kan chawlh hun kha a ni tawh a, zawh hram i tum ang aw, awle, kal zel rawh le) taxi service entirnan, UBER leh OLA ang buatsaihte leh kawng hrang hranga hemi kaihhnawih, hna dang tul apiang an thawk char char bawk ang.

Panganaah chuan 1.12.2017 hian Aizawla lirthei nei zawng zawng chuan a dahna garage an nei vek tawh ang a, 1.10.2016 – 30.11.2017 ni 426 chhungin garage an nei hman dawn tihna a ni. He remruatna in a tum chu Aizawl city chung kal chung a rei tawh lovang a, entirnan Kulikawn atanga Bawngkawn chu darkar khat chuang kal te a ngai thin a, chu chu minute 15 lek chhungin kan lo thleng thei tawh ang a, chu chuan petrol leh diesel leh hun hek kha a paih vek tawh dawn a ni. Lirthei kalmuang leh lirthei tam lutuk avanga boruak chhia irh chhuak vangin boruak thianghlimlo Aizawla kan neih tam tak hi a lo tithianghlim tawh dawn a ni. Duh hun huna zanlai leh zing vartiana koh theih taxi service dang veng tina dah tum a ni ang a, hei hian lirthei nei lo te tan awlsamna a siam bawk dawn a ni.

A tawp ber atan chuan Pu Speaker, chhun leh zan, duh hun hun leh mahni awmna hmun zel atanga taxi koh theih a nih chuan mahni lirthei neih kher tulna a awm dawn lova, Aizawlah hian lirtheia vak kual zung zung thei tho siin lirthei neih tul ti lo kan tam tial tial ang. Tunah hian lirthei han ken chhuah pawhin a park na tur a awm loh avangin a buaithlak em em a ni, driver hran neih loh phei chuan a ngaihna a awm tawh lo hial a ni. Two wheeler erawh chu chumi hunah chuan a tam tial tial ang. Lirtheia sum senna hi kawng dangah kan hmang thei ang a, Aizawl hi khawpui nuam leh hrisel a lo ni bawk dawn a ni. Hetiang hian sorkar chuan khauh takin kenkawh a tum a ni tih hi he House zahawm takah hian remchang la in Pu Speaker, ka rawn sawi a ni a.

Pu K.SANGTHUAMA : Pu Speaker, khawngaihin. Garage chu tuna in rawt ang kha a that rualin kan ti thei ang em? Bawngkawn atanga Kulikawn thleng hi chhun lamah hian a in neitute motor hi a ni vek chuang lo a, hmun dang atanga leng chhuakte motor hi a tam ber zawk a. Chuvangin helai phei hi ti thei si lo in a thlafem ah hian khawng takin in rawn ti leh ang a, helai phei hi kan buaina ber a ni a, chumi ti thei chuang si lo a a thlafema khawng taka tih ringawt kha kan tih theih tawk a ni ang em? Chhunah hian kan leng chhuak duh vek a, tichuan heng dawrpui phei leh a dang zawng zawnga motor dahtu hi chu helaia cheng hi an ni chuang lem lo. Keimahni ho vek hi a ni a, chulai tak chu engtinngge ngaihtuahna in

neih? Dawrpui pheia in neitute motor vek a ding lova, hmun dang atanga dawrkai lo kal ten nilengin an dah a, chutiang bawkin hemi pheih zawng zawngah hian kal chhuak ho keini ang entirman – motor keng ho hi a ti jam tu kan ni vek a, chulaia chu dah phal loh kan ti dawn nge, in hmalak tum dan khawngaihin min hrilhfiah thei ang em ?

Pu R.LALZIRLIANA, MINISTER : Pu Speaker, thil hi kan tum phawt loh chuan, tumna a awm loh chuan engmah a tih theih lova; chuvangin kan ti thei ang em? Kan thei lovang a! tih nghal ringawt ai chuan khauh taka tum kha sorkar duhdan a ni a. Tin, chutiang piah lamah chuan nichina ka sawi tawh ang khan hei hian eizawna tam tak Aizawl khawpui daifem deuh leh hmun...

Pu LALRUATKIMA : Pu Speaker, khawngaihin kan Rule 60 chapter 12-naah hian statement made by a Minister tih ah hian nikhat kalta khan a copy hi Speaker hnenah pek tur a ni tih a ni a, pek a ni em, kan Minister zahawm tak ten statement an siam kha? Kan bill kal lai a ni a, Rules-ah hian a awm lo a ni. Kan Rules ah hian ni khat advance in Speaker hnenah hian a dil tur a ni tih a nih laiin, chuvangin hei hi chu i discretionary a ni maithei, amaherawhchu kan Rules angin i kal ang u, kan hun a hek lutuk a.

S P E A K E R : Ngawi rawh, road fund chanchin kan ti a, chuvang chuan maw a inkaihhnawih a, a rawn sawi tel a nih kha.

Pu LALRUATKIMA : Rules kan nei a, hetah hian Rules of Procedure and Conduct of Business-ah hian statement a siam dawn reng rengin Speaker hnenah nikhat a ral hmain a pe ngei ngei tur a ni tih a ni. Chuvang chuan statement kha chu hun dangah naktukah pawh a ti thei lawm ni ka ti a ni.

Pu R. LALZIRLIANA, MINISTER : Pu Speaker, statement ka pe lova, for information atan sorkar-in a hmalak dan tur kha helai member zahawm takte hma ah hian ka'n puang chhuak a ni a. Tin, helai ah hian House Leader ka ni a, chuvangin i phalna in hei hi ka sawi a ni tih kha ka'n sawi duh a.

Tin, member zahawm tak Pu Sangthuama rawn sawi kha a dik chiah a, tumna hi kan nei thin a, garage neih tur tih hi hman atangin kan tum tawh a, kan tih hma ai kha chuan kan tih hnu ah chuan tam takin an nei tawh a. Tunah hian in sa thar tam takin anmahni motor pawh nei chuang lovin garage hi an siam a ni. Kan vengah te ngei pawh, ka u ngei pawh khuan a in khu midang luah tir ai chuan, midangin an luah chuan daikal in a lo ngai a, tui a lo ngai a, electric a lo ngai a, repair a lo ngai zing a, chu ai chuan motor an va dah mai a, an chhuah leh khan a hlawk zawk a ni tih kha an hriat avangin kan in kawng pheiah khuan (ka hmuh lai

ka'n sawi mai thin ania) an inhnuai zawng zawng khu a tlangpuiin in sa thar chuan garage-ah an ti tawh a ni, anmahnin an nei miah lo, mahse motor chu a khat vek tho mai a ni. Chutiang chuan kan ti ang a; tin, mahnia motor nei chuan driver a lak a ngai tawh dawn tihna a ni mai a ni. A leng ang a, bazar-ah a bazar ang a, a drop ang a, a kal leh ang a, phone kan ak vek tawh a, 'lo kal rawh le; an ti ang a, tikhan a lo tlan kual leh ang a, khatah khan an in pick ve mai tawh dawn a ni.

Pu K. SANGTHUAMA : Pu Speaker, a nih leh cinema hall in lei taka kha engtiknge garage atan sak in tum tih kha ka hre duh a ni.

Pu R. LALZIRLIANA, MINISTER : Kan member zahawm tak interest hi a ropui thin khawpin ka hria a, ram a ngaihtuah a sawlai pawh saw ama min sihhmuhnaa kan lei ania. Congress sorkar ah hian hmanah kan hotu a ni tawh thin a, tunah pawh hian kan tan hian thil tha kan tih hi chu min duh pui a ni, a chungah hian kan lawm hle a ni.

Tunah hian kan thiat tan tawh a, a design siam tur pawh kha an tender a, empanelment tih vel ho leh company ho kha an in el a, khata nalh ber leh tha ber kha lawmman pawh nuai 3 lai an siam a, chutiang chu an dawng nghe nghe a ni. Chutiang chuan nalh deuh maiin (Pu K. Sangthuama :A dah theihna in em ni in rel ?) Motor dah theihna in a ni a, motor tam tak a dah theih dawn. (Pu K. Sangthuama : Motor tam tak ringawt lo khan a design engkim peih vek tawh chuan motor 500 a dah theih ang tih te in duang tel lo tihna nge ni?). Hei Pu Speaker, khalai kha a ti tu deuh bik a awm a, i remtihna in khawngaihtakin han chhang lawk sela. (Pu Lalruatkima : Pu Speaker, kha kha chu kan Dan hi zah ang u, kan inkhualtelem chet deuh hlekin ka hria, kan fiamthu mah mah, a hlimawm a. A chhan chu tah hian Minister hian statement a siam dawnin i phalna leh i remtihna in chapter 12-na statement made by a Minister tih hi ka'n chhiar ang e Pu Speaker. "A statement may be made by a Minister on a matter of public importance with the consent of the Speaker but no question shall be asked at the time the statement is made provided that a copy of statement shall be) (Pu Rohluna, Minister : Pu Speaker, kan House leader, a sawitu khan statement a ni lo a ti tawh a.. Chutihlaia thu pangngai sawi reng mai kha kan member zahawm tak hian a tih loh tur a ti a ni Pu Speaker) (Pu Lalruatkima : Pu Speaker, statement a ni tlat a ni tuna a sawi kha, chuang chuan kan Rules hi i zah ang u, naktukah pawh hun kan nei tho alawm, Pu Speaker. Kan Rules ah hian ni khat advance in a duh chuan a sawi thei lutuk. Kan House Leader a ni, kan zah lutuk; amaherawhchu, Dan kan nei a, kan Dan hnuaiah hian i kal ang u kan ti mai a ni).

Pu LALSAWTA, MINISTER : Pu Speaker khawngaihni Law Minister ka nihna angin kan sawi ve lawk teh ang.

Vawiinah hian Speaker zahawm tak i ni a, i rorelna hnuaiiah Dan-in thu a pek theih ang chin chin hmang turin khalaiah khan i thu a, kan House Leader-in mipuiten heti tak maia Aizawl traffic jam kan buaipui leh kan tawrhna rei lutuk tur hi statement kan siam ang e a ti lova, information kan pe ang e, sorkarin hetiang hi kan tum a ni e tih a sawi a ni a. Statement pe tur chuan a department chungchangah engemaw thil thleng awm se statement a siam te, white paper a pekchhuah te a ngai ang a, kan Danin chutiang chu a provide vek a. Vawiinah hian mipui tan a lawmawm dawn em mai a, engthawlna hun he traffic jam rei tak kan tawrhna, kan sal tanna atanga chhuah theihna khawp hial ni-a kan ngaih a rawn sawi avang hian kei chu kan lawm tlang viau tura ka ngaih laiin chutiang lo deuh hlek chuan kan dawngsawng lek lek niin ka hria a. Khawngaihtakin i rorelna hi Speaker i nihnin kengkawh teh.

S P E A K E R : Awle, Home Minister kan Leader khan a sawi kha chhonzawm sela, Amendment Bill kha pass rawn dil tawh sela.

Pu R. LALZIRLIANA, MINISTER : Pu Speaker, motor kha chu tam tak dah theih tura siam a ni a, a zat chu ka department a nih chiah loh avangin ka chhang mai thei lo che a, a pawl khawp mai. Party hi lungruual a tha khawp mai a, keini hi kan senior te hi kan zah khawp mai a, kei hi engmah ni lo ber, thiam nei lo ber ka ni a; amaherawhchu, kan member te hian min zah der em em a ni. Thu ka sawi leh engemaw ka tih hian min dal ngai lova, zawhna te ka siamin min chhang tur te chhan an remti lo ngai lova, chuangin party hi inlungruual a pawimawh a. Chuangin aia upa zahna te, party-a inlungruualna te hi member te hian mahni party theuhah hian hrechhuak ila a tha in ka hria.

Pu Speaker, vawiina Amendment Bill ka rawn putluh “The Mizoram Road Fund (Amendment) Bill, 2016” hi House hian lungruual taka min pass pui tur in ka rawn ngen e.

S P E A K E R : A dul ai chuan tiang hi han inhnial buai deuh chang awm te pawh hi a tinuamtu ah ngai ila. He House ti ropuitu a ni ti zawng khan la thei ila a tha ang e.

Tunah chuan kan Minister zahawm takin “The Mizoram Road Fund (Amendment) Bill, 2016” a rawn putluh chu he House in pass pui a rawn dil a, pass remti zawng ‘Remti’ tirawh ule. (MEMBERS: Remti) Remti lo kan awm em? Aw, kan inlungruual hle.

Tichuan “The Mizoram Road Fund (Amendment) Bill, 2016” chu he House hian lungrual takin a pass ta a ni e. (**Pu R. LALZIRLIANA, MINISTER:** Pu Speaker, ka lawm e.)

Awle, Pathian zarah vawiina kan tihtur zawng zawng fel tak leh tluang takin kan zo thei ta a, a lawmawm hle a ni. Naktuk Nilaini dar 10:30-a kalkhawm leh turin i bang rih ang u.

Today’s sitting is adjourned.

Sitting adjourned at 1:20 PM.